

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

03. Aningaasaqarnermut tunngasut

Imm. 3.1

Imm. 3.2 Akiani meeqqerivimmut missingersuutit pillugit ilassutitut aningaasaliisoqarnissaa pillugu qinnuteqaat

Imm. 3.3 Qeqqata Kommuniata Kalaallit Nunaanni Timersoqatigiit Kattuffianik isumaqatigiissuteqarnera – ilassut

Imm. 3.4 Qeqqata Kommuniata suliassaataasa suliariumannittussarsiuunneqarsimasut takussutissartaa

Imm. 3.5 Pitsaaliunermik immikoortup Atugarissaarnermut Immikkoortortamiit Ilinniartitaanermut Immikkoortortamut nuunneqarnissaa

Imm. 3.6 Inuit innarluutillit inatsisaat malillugu piumasaaqatit matuneqarnissaat pillugu aningaasanik immikkut aningaasaliissuteqarnissaa pillugu qinnuteqaat immikkut aammalu sulisut ilaneqarnissaannik akuerineqarnissaa

04. Suliassat naliginnaasut

Imm. 4.1 Oqaluuserisassatut siunnersuut – Meeqqanut Inuusuttunullu politikkimik 2010-meersumik nalilersueqqinneq

Imm. 4.2 Oqaluuserisassatut siunnersuut – Sapaatit akunnerisa naanerini meeqqerivimmik ammatitsisarnissamik siunnersuut

Imm. 4.3 Oqaluuserisassatut siunnersuut – Suleqatigiinneq eqaatsumillu sullissineq

Imm. 4.4 Kajumissaatinik akissarsititsisarneq pillugu oqaluuserisassatut siunnersuut

Imm. 4.5 Qeqqata kommune-ani innuttaasut imminortarneq pillugu oqallitalernissaannut siunnersuut

Imm. 4.6 Oqaluuserisassatut siunnersuut – Qaqqatoqqat takornariaqarfingortinneqarnissaanik siunnersuut

Imm. 4.7 Uddannelsesrådimik (Ilinniartitaanermut siunnersuisooqatigiinnik) pilersitsisoqarnissaa pillugu siunnersuut

Imm. 4.8 Ungusiviup qaavani aqquserngit aqqi

06. Paasissutissiissutit

Imm. 6.1 Borgmesterip aalajangiinera - Kommunalbestyrelsimi qinikkatut killiligaanngitsumik sulinngikkallarnissamik qinnuteqaat – Malia Larsen Rosing

Imm. 6.2 Borgmesterip aalajangiinera - Ataatsimiititaliamut ilaasortassanik nutaanik qinersineq

Imm. 6.3 Ilisimatitsissut Qeqqata Kommuniani angallassissutit tamanit atorneqarsinnaasut

Imm. 7.1 Siulittaasut nalunaarutaat

Imm. 8.1 Tamalaat

Ataatsimiinneq videokonference atorlugu ingerlanneqassaaq 19. august 2021 nal. 08.30

Peqataasut:

Atassut

Siverth K. Heilmann
Anna Karen Hoffmann

Inuit Ataqtiguit

Juliane Enoksen
Nivi Heilmann Efraimsen
Agathe Fontain

Naleraq

Paneeraq Olsen
Karl Lyberth
Abel Enoksen
Steffen Johansen

Siumut

Malik Berthelsen
Gideon Lyberth
Evelyn Frederiksen
Aqqalu Skifte
Kirstine Olsen
Barnabas Larsen

Imm. 01 Oqaluuserisassat akuersissutigineri

Aalajangiineq

Imm. 3.1

Imm. 3.2 Akiani meeqqerivimmut missingersuutit pillugit ilassutitut aningaasaliisoqarnissaa pillugu qinnuteqaat

Journal nr. 06.02.01

Tunuliaqutaq

Kommunalbestyrelsi 2017-imiit 2019 tungaanut missingersuutini Sisimiuni Akiani meeqqerivimmut nutaamut meeqqanut 64-inut, meeqqerivimmi meeqqanut pingasuniit arfinillit tikillugit ukiulinnut 40-nut inini marlunni agguataagaasunut aammalu meeraaqqerivimmi meeqqanut ukioqanngitsuniit pingasut tikillugit ukiulinnut ininut marlunnut agguataagaasunut sanaartornissamut 21 mio. koruuninik immikkoortitsisoqarnissaa aalajangiiffiginikuuvaa.

Meeqqerivik 2022-mi januaarimi tunniunneqarnissaa naatsorsuutigalugu maannakkut sanaartorneqarpoq. Missingersuutini ingerlatsinermut aningaasaliissutinik immikkoortitsisoqarnikuunngimmat, pequtinut ingerlatsinermullu ilassutitut aningaasaliisoqarnissaa pillugu qinnuteqartoqarpoq. Suliaq 2020-mi maajip sisamaani ilinniartitaanermut ataatsimiititaliamit, 2020-mi maajip 19-ani aningaasaqarnermut ataatsimiititaliamit 2020-milu maajip 28-ani kommunalbestyrelsimit suliarineqarpoq.

Taamaattorli 2022-mut ukiunullu missiliuuteqarfiusunut ingerlatsinermut missingersuutinik pilersitsisoqarnikuunngisaannarpoq, kiisalu 2021-mi missingersuutini aningaasanik immikkoortitsisoqarnikuunani, tamaattumik ilassutitut aningaasaliisoqarnissaa pillugu qinnuteqartoqarpoq.

Maleruagassatigut tunngavissat

Qeqqata Kommunianut karseqarnermut naatsorsuuserinermullu najoqqutassiaq. Ulluunerani paaqqinnittarfiit pilersinneqartarnerat atoruminarsagaanerallu taamatullu suleqatigiinnik pilersitsisarneq pillugit Namminersorlutik Oqartussat nalunaarutaat nr. 36, 24. septembari 2020-imeersoq

Qeqqata Kommuniata pilersaarusionermut periusissiaa, anguniakkat 2018 - 2022: Meeqqat ineriartornissaanni pitsaasumik sinaakkuteqarneq - "Meeqqerivinni init meeqqanut tamanut pitsaasumik atugassaqartitsisut qulakkeerusuppagut"

Pissutsit atuuttut

Sisimiuni Akiani meeqqerivik nutaaq 2022-mi januaarip 19-ani tunniunneqarnissaa naatsorsuutigineqarpoq.

Atulerneqarnissaanut atatillugu 2021-imi ataasiartumik aningaasatut 750.000 koruunit immikkoortinneqarpoq. Ataasiartumik aningaasat 800.000 koruunit taakku 2021-mi immikkoortineqartut, meeqqerivik atulinnginnerani qaammatit marluk sioqqullugit atorfinitsinneqartussaasunut aqutsisumut tullersortimullu akissarsiaasanut 150.000 koruuninik ilaqarput. Aqutsisoq tullersortilu pequtilersussapput allaffissornikkullu suliaqassallutik, meeqqerivillu naammassippat atorneqalissallunilu sulisunik atorfitsitsinermik suliaqassallutik.

Taakku saniatigut meeqqerivimmut 2022-mut ukiunullu missiliuuteqarfiusunut missingersuutinik pilersitsisoqassaaq.

Aallaqaammut isumaannikuugaluarpoq, Akiani meeqqerivik atorneqalerpat Sisi matuneqassasoq. Kisianni maannakkut utaqqisut imaapput, meeraaqqerivinnut utaqqisut meeqqat aqqanillit aammalu

meeqquarivinnut utaqquisut meeqqat 14-it. Inissanik pissarsiniarluni 2021-mi februaarimiit maajimut meeqqat suli atualinngitsut 30-t sunngiffimmi ornittakkami aallartitsinneqarnikuupput, taakku saniatigut meeraaqquarivik Nuka-mi meeraaqquarivittut ini meeqquarivittut initut allanngortikkallarneqarnikuuvoq, tamannalu inissanik katillugit 38-nik pilersitsinikuuvoq, kisianni suli utaqquarisoqarpoq aammalu meeqqat amerlassusaat qaffakkaluttuinnartillugu Sisimiunilu saviminilerinermik ilinniarfimmik ammaasoqarnissaanut, meeqquarivimmi inissat ikiliartornissaanut pisariaqartitsineq annikillissanngitsoq naatsorsuutigineqarpoq.

Atuilluartuunikkut kingunerisinnaasai

Meeqqanut suli atualinngitsunut Sisi paariinnarneqarneratigut, atuarfimmi atualertussanut meeqqat atuarfiannut ikaarsaanermut pitsaanerusement periarfissamik pilersitsissaagut. Angerlarsimaffimmi paarsisartunut atorfiit inuttaleruminaatsut atorunnaarsikkiartornissaannut aammalu meeqquarivinni inissanut pisariaqartitsinerup qaffakkaluttuinnartup naammassinissaanut periarfissaqalissaagut.

Aningaasaqarnikkut allaffissornikkullu kingunerisinnaasai

Akiata aallartinnissaanut sulisunut pequtinillu pisinissamat 2021-mut ilassutitut aningaasaliisoqarnissa pillugu qinnuteqartoqarpoq.

Akani meeqquarivimmut 2021-mut missingersuut:

Atuiffik	Suunera	Aningaasaliissutit	Ilassut	Nutaamik aningaasaliineq
571040508-0304015117-122010102-010580	Aqutsisumut tullersortimullu akissarsiat		150.000	150.000
571040508-0304015117-122081700-010580	Pequtinik pisineq		600.000	600.000
	Aningaasaliissutissatut pisariaqartitat katinneri		750.000	750.000

Akiani meeqquarivimmut 2022-mut ukiunullu missiliuteqarfiusunut 2023-miit 2025 tungaanut missingersuutit

Meeqquariviup Uiamut missingersuutit annertoqataannik, 2022-mut ukiunullu missiliuteqarfiusunut missingersuutinik pilersitsisoqassaaq.

Uiaq meeqqanut 64-inut amerlassusiligaasoq 14.5-mik sulisunut amerlassusiligaavoq. Akiani meeqquarivik nutaaq meeqqanut pingasuniit arfinillit tikillugit ukiulinnut 40-nut aamma meeqqanut ukioqanngitsuniit pingasut tikillugit ukiulinnut 24-nut katillugit meeqqanut 64-inut amerlassusiligaassaaq. Sulisut amerlassusilikkat makkuussapput: Aqutsisoq, tullersorti, tullersorti perorsaasutut ilinniarsimasooq, immikkoortortami aqutsisoq perorsaasutut ilinniarsimasooq ataaseq, perorsaasutut marluk, isumaginninnermik ikiortit sisamat, ikiortit sisamat, eqqiaasoq ataaseq igaffimmiorlu ullup affaani sulisartoq.

2022-miit 2024-mut missingersuutit, takuuk ilanngussaq 1

Atuiffik	Suunera	Aningaas aliissutit	Ilassut	Nutaamik aningaasaliineq Missingersuutit 2022	Missingers uutit 2023	Missingers uutit 2024
571040508-0304015117-010580	Ingerlatsineq		4.946.080	4.946.080	4.990.595	5.035.510
	Katillugit		4.946.080	4.946.080	4.990.595	5.035.510

Allaffeqarfiup naliliinera

Soorlu ilanngussami 2-mi takuneqarsinnaasoq ukioqanngitsuniit arfinillit tikillugit ukiullit meeqqat amerliartorput, aammalu ilinniartinnik amerlanerusunik Sisimiuni peqalernikuuvoq, ilinniartut amerlasuut meeraqarput ilinniarnermilu nalaani meeqqatik nassartarlugit. Tamanna isumaqarpoq, utaqqisut suli amerliartornerat. Angerlarsimaffimmi paarsisartunut atorfiit inuttalernissaat ajornakusoortat, taakku atorunnaariartortinneqarnissaat kissaatiginarpoq.

Allaffeqarfiup innersuussutaa

Allaffeqarfiup Ilinniartitaanermut Ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigivaa,

1. Akiani meeqqerivimmik aallartitsinissamut ataasiartumik aningaasanik ilassutitut aningaasaliissutinik 750.000 koruuninik aningaasaliisoqassasoq, takuuk 2021-mi ingerlatsinermut missingersuutitut posteringsark atuuttusoq ilanngussaq,
2. Akiani meeqqerivimmik ingerlatsinermut 2022-mut ukiunullu missiliuuteqarfiusunut 2023-2025-mut ingerlatsinissamut 4.946.080 koruuninik ilassutitut aningaasaliisoqassasoq
3. Suliaq Aningaasaqarnermut Ataatsimiititaliamut kommunalbestyrelsimullu akuerisassanngorlugu ingerlateqqinneqassasoq.

Ilinniartitaanermut ataatsimiititaliap suliamik suliarinninnera

Ataatsimiititaliap 8. juni 2021 ataatsimiinnerani innersuussuutigineqartut akuerineqarput.

Aningaasaqarnermut ataatsimiititaliap suliamik suliarinninnera

Ataatsimiititaliap 16. juni 2021 ataatsimiinnerani innersuussuutigineqartut akuersissutigineqarput.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

1. Akiani meeqqerivimmik aallartitsinissamut ataasiartumik aningaasanik ilassutitut aningaasaliissutinik 750.000 koruuninik aningaasaliisoqassasoq, takuuk 2021-mi ingerlatsinermut missingersuutitut posteringsark atuuttusoq ilanngussaq

2. Akiani meeqqerivimmik ingerlatsinermut 2022-mut ukiunullu missiliuuteqarfiusunut 2023-2025-mut ingerlatsinissamut 4.946.080 koruuninik ilassutitut aningaasaliisoqassasoq

Aalajangiineq

Ilanngussat

1. Sisimiuni Akiani meeqqerivimmut 2021-miit aamma 2022-mut ukiunullu missiliuuteqarfiusunut ingerlatsinermut missingersuutit
2. Sisimiuni ukioqanngitsuniit arfinillit tikillugit ukiullit amerlassusaat

Imm. 3.3 Qeqqata Kommuniata Kalaallit Nunaanni Timersoqatigiit Kattuffianik isumaqatigiissuteqarnera - ilassut

Journal nr. 06.02.01

Tunuliaqutaq

2018-imi marsip 26-ani Ilinniartitaanermut, Peqqinnermut, Kultureqarnermut Sunngiffimmullu tunngasunut ataatsimiititaliaq 02/2018-imi ataatsimiinnermini, Qeqqata Kommuniata Kalaallit Nunaanni Timersoqatigiit Kattuffianik isumaqatigiissuteqarnera akuersissutigineqarpoq.

Isumaqatigiissut 2019-imi decembarip 31-ata tungaanut atuuppoq, Peqqinnermut pinaveersaartitsinermillu politikkimi anguniakkanit kiisalu atuilluartuunissap iluani suliniuteqarfiit nutarterneqanngitsunit aallaaveqarluni. Qeqqata Kommunianu atuilluartuunissakkut suliniuteqarnermi saniatigut, sunngiffimmut, peqqinnermut pinaveersaartitsinermullu immikkoortunut arlalitsigut suliniuteqarfeqarpoq, soorlu Inuunerissaarneq aammalu Qeqqata Modeli, siusinnerusukkut isumaqatigiissutip atorunnaarnerata kingorna, nutaamik nutarsakkamillu Qeqqata Kommunianu kiisalu Kalaallit Nunaanni Timersoqatigiit Kattuffiata akornanni isumaqatigiissuteqarnerissamik pisariaqartitsisoqarpoq.

Maleruagassatigut tunngavissat

Qeqqata Kommunianu karseqarnermut naatsorsuuserinermullu malittarisassat Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq

Pissutsit atuuttut

Suleqatigiinnissamat isumaqatigiissutissatut siunnersuummik, Kalaallit Nunaanni Timersoqatigiit Kattuffiat Qeqqata Kommunianu nassiusaqarnikuvoq. Isumaqatigiissutissatut siunnersuummi tullinnguuttutigut siunertat aallavigineqarput:

- Meeqqanut inuusuttunullu ataatsimooqatigiinnermik peqqinnartumik akuutitsisumillu nukittorsaanissaq, taamaalionikkut 5.-10. klassimmi atuartut akornanni atugarliornerup aangajaarniutinillu atuinerup pinaveersaartinneqassalluni.
- Suleqatigiinneq Qeqqata Modelianik suliamik aallaaveqarpoq

Taamaalilluni siunnersuut pingasunik ukkataqarfeqarpoq: 1) Atuarfik Ammasoq 2) Timersorneq toqqissimasoq akuutitsisorlu aammalu 3) Kinguaariit akimorlugit ataatsimoorneq.

Ukkataqarfigisat naapertorlugit pingaarnertut anguniakkat nassuiarneqarput, tullinnguuttutigullu anguniakkanik imaqarluni:

1. Ataqtigiinnermik pilersitsineq, peqatigiiffiit, sunngiffiit, suliffeqarfiit soqutigisaqartullu allat suleqatigalugit, atuarfimmitt sunngiffimmut eqaatsumik ikaarsarneq
2. Qeqqata Kommunianu nammineq kajumissuseqarnerup nukittorsarnissaa aammalu sunngiffimmi immikkoortoq ataatsimooruq ataqatigiissaagarlu qulakkiissallugu
3. Meeqqat oqaloqatigineri aallaavigalugit sunngiffimmi neqeroorutiniq aqqissuussanik neqerooruteqarneq, sumiiffimmi periarfissat, nukittuffiit naleqartitallu aallaavigalugit
4. Meeqqat inuusuttullu amerlanerusut sunngiffimmi sammisaqartitsinernut aqqissuussanut akuunerulernissaat
5. Ilaqtariinnut tulluarsakkanik sammisaqartitsinernik neqerooruteqarneq

2021-mit 2024 tikillugu isumaqatigiissut atuutissaaq, sivitsorneqarsinnaaneranut periarfissaqarluni.

Tamatuma saniatigut Qeqqata Kommuniata Kalaallit Nunaanni Timersoqatigiit Kattuffiatu akornanni avillugu sulisussamik, Qeqqata Kommunianu suliniummitt aqutsisumik atorfinitsitsisoqarnissaa, isumaqatigiissummi siunertaavoq. Qeqqata Kommuniata Kalaallit Nunaanni Timersoqatigiit Kattuffiatu akornanni takorluukkatut isumaqatigiissutip

atuutilersinneqarnissaanut, suliniummut aqutsisoq akisussaasuusaaq. Kalaallit Nunaanni Timersoqatigiit Kattuffiata isumaqatigiisummut siunnersuutaa tassaavoq, kommunimit, GIF-imit suleqatigiissitaniillu allanit sinniisoqarluni suleqatigiissitanik pilersitsisoqassasoq, tassani suliniummut aqutsisup suliniuteqarfiit tigussaasut ingerlanneqarnissaanut, aammalu Qeqqata Kommuniani innuttaasunut timimik aalatitsinerulersitsinissap, timikkut eqqarsartaatsikkullu peqqissuunissap kiisalu inuunerissaarnissaannik siunertaqartumik ataatsimoorussamik suliniuteqarnissap qulakkeerneqarnissaanut suliassaralugit.

Qeqqata Kommuniani ilinniartitaanermut ingerlatsivimmi sunngiffimmi pisortat marluupput (Maniitsumi ataaseq Sisimiunilu ataaseq) aammalu Sisimiuni Timersornermut pinngortitamullu siunnersorti ataaseq. Kulturimut/sunngiffimmut/timersornermullu sammisaqartitsinernut, immikkoortut allat qanimut suleqatigalugit immikkoortumik ingerlatsinermut, sunngiffimmut kultureqarnermullu immikkoortorta q akisussaasuvoq.

Ilinniartitaanermut immikkoortortami immikkoortorta qarfinit assigiinngutsunit ingerlatsinerit arlaqartunit, Qeqqata Kommuniani akimortumik suliniutini, soorlu Inuunerissaarneq – Det gode Liv, Qeqqata Modelia aammalu kommunip atuilluartuunissamut suliniut il.il. suleqataaffigineqarput. Ilinniartitaanermut immikkoortortamut pisortaanerup sulisuinit ikiorneqartarpoq, ilinniartitaanermut suliniutinut assigiinngitsunut suliniummut aqutsisuulluni, ilinniartitaanermut immikkoortortap akisussaaffeqarfianut attuumassuteqartunut, ilinniartitaanermut immikkoortortami, meeqqat aturfiani, peqqinnermut/timersornermut il.il. suliniuteqarfinit suliniummik aqutsinissamut atuilluartuunissakkut siunnersortimik atorfeqartitsilluni.

Atuilluartuunissakkut kingunerisinnaasai

Innuttaasut peqqinnerulernissaat anguniarlugu, siunissamut ungasinnerusumut isigaluni peqqinnerulersitsinissamut, pinaveersaartitsinissamut, nammineq kajumissutsimik sulinissamut siuarsaanissamut kiisalu akimortumik suleqatigiinnissamut aningaasaliineq atuilluartuuneruvoq.

Peqqinnarnerusumik inuuneqarnissamut politikikkut anguniagaqarnermut aningaasaliineq taanna tapertaassaaq.

Aningaasaqarnikkut allaffissornikkullu kingunerisinnaasai

Ilinniagartuumik suliniummut aqutsisumik avitseqatigiilluni atorfinitsitsinikkut, akissarsianut, sulisitsisup aningaasartuutaanut sulisunullu aningaasartuuteqarnermut ukiumut 250 t. koruunit missaanut Qeqqata Kommunian aningaasartuuteqassaaq.

Taamaattumik Pisortap sulisuisa ataani allatsimut qaammammusianut atuiffimmut ilassutitut aningaasaliissuteqartoqarnissaa pisariaqartinneqarpoq:

Atuiffiup normua	Atuiffiup taagutaa	Aningaasaliissutit	Ilassut	Nutaamik aningaasaliineq
541000000-1601010000-122010102-010580	Qaammammusiat kingumut	6.320.813	250.000	6.570.813

Allaffeqarfiup naliliinera

Suliniummut aqutsisup suliassaanut kiisalu illuatungeriit suliniarfiinut suleqatigiinnissamullu isumaqatigiisuttip akornanni ataqatigiinnerinut illuatungeriit paaseqatigiinnerat tunngavigalugu isumaqatigiisuteqartoqarnera, Ilinniartitaanermut immikkoortortamit pingaartinneqarpoq.

Ataatsimiititaliamit paasissutissiissutigineqartut tunngavigalugit, inaarutaasumik isumaqatigiisummik suliqaarnissamut allaffeqarfik Kalaallit Nunaanni Timersoqatigiit Kattuffianik

suleqateqarniarpoq. Taamaattumik siunertanut ukkataqarfigisanillu naapertuuttunngorsaatiniq suliaqarnissaq pissusissamisoorpoq. Tamanna sunngiffimmi immikkoortortami suliniuteqarfinnut, kommunip Inuunerissaarneq – Det Gode Liv-imik suliniummut kiisalu Atuilluartuunissamut suliniutinut aamma, suliniutinut aqutsisup peqataalernissaa siunertaavoq. Suliniutini sullinniakkanik siammasinnerusunik (meeqqat immikkut pisariaqartitsisut/innuttaasut innarluutillit, utoqqaarnut timersorneq il.il.) sullitaqartunik suleqatigiisitaqarpoq, kommunillu najugaqatigiivinut isumaqatigiisummut ilanngunneqarnissamik naapertuuttunut akimorlugit suliniutaallutik.

Taamaattumik Qeqqata Kommuniani pisortaanerup sulisuinut pisortamut qaninnertut sulisuinut ilaalluni, suliniummut aqutsisoq atorfinitsinneqarnissaanut nalilerneqarpoq. Taamaaliornikkut Maniitsumi Sisimiunilu ilinniartitaanermut immikkoortortat qanimut suleqatigalugit, Qeqqata Kommuniani najugaqarfinni tamani pilersitsisinnaaneq suliniutinillu siuliniittunik qulakkeerinnittoqassaaq. Tamanna kommunimi pisortaanerup sulisoqarneratigut suliaqarfiit aallaavigalugit isiginnittumik, tassaallutik avataani suleqatit kiisalu kommunimi najugaqarfiit akimorlugit suliniuteqarfiit suliniarfiit akimorlugit suliaqarneq. Siunissaq eqqarsaatigalugu, ilinniartitaanermut immikkoortortaq kiisalu pisortaanerup sulisui suliniummut aqutsisup naapertuuttumik inissinneqarnissaanut allannguutissatut siunnersuusiorsinnaapput.

Allaffeqarfiup innersuussutaa

Ilinniartitaanermut ataatsimiititaliamut akuereqqullugu innersuussutigineqarpoq:

- Suleqatigiinnissamut isumaqatigiisutitut siunnersuummut ilanngunneqarsinnaasunik tunniussisoqassasoq
- Isumaqatigiisutit inaarutaasumik akuersissutigineqarnissaa aningaasaqarnermut ataatsimiititaliamut innersuussutigineqassasoq
- Ullup affaanut suliniutinut aqutsisup pisortaanerup sulisuinut inissinneqarnissaa, aningaasaqarnermut ataatsimiititaliamut akuersissutigineqarnissaa ataatsimiititaliamit innersuussuteqassasoq
- Qaammammut akissarsianut atuiffimmut 541000000-1601010000-122010102-010580 2021-mi ukiunilu missiliuteqarfiusuni 250 t. koruunninik ilassutitut aningaasaliisoqarnissaanut, aningaasaqarnermut ataatsimiititaliamit kiisalu kommunalbestyrelsimit akuersissutigineqarnissaanut ataatsimiititaliaq innersuussuteqassasoq

Ilinniartitaanermut ataatsimiititaliap suliamik suliarinninnera

Ataatsimiititaliap 7. juni 2021 ataatsimiinnerani innersuussutigineqartut akuersissutigineqarput.

Aningaasaqarnermut ataatsimiititaliap suliamik suliarinninnera

Ataatsimiititaliap 16. juni 2021 ataatsimiinnerani innersuussutigineqartut akuersissutigineqarput.

2021-imut immikkut aningaasaliissutit annertussuseqassapput 125.000kr.

Innersuussut

Aningaasaqarnermut ataatsimiititaliap Kommunilbestyrelsimut innersuussutigivaa akuereqqullugu,

- Suleqatigiinnissamut isumaqatigiisutitut siunnersuummut ilanngunneqarsinnaasunik tunniussisoqassasoq
- Qaammammut akissarsianut atuiffimmut 541000000-1601010000-122010102-010580 2021-mi ukiunilu missiliuteqarfiusuni 250 t. koruunninik ilassutitut aningaasaliisoqarnissaanut, kommunalbestyrelsimit akuersissutigineqarnissaanut ataatsimiititaliaq innersuussuteqarpoq. 2021-imut immikkut aningaasaliissutit annertussuseqassapput 125.000 kr.

Aalajangiineq

Ilanngussat

1. Kalaallit Nunaanni Timersoqatigiit Kattuffiannik suleqatigiinnissamut isumaqatigiissut

Imm. 3.4 Qeqqata Kommuniata suliaasaataasa suliariumannittussarsiuunneqarsimasut takussutissartaa

Journalnr. 66.15

Tunuliaqutaq

Isumaqatigiissutit qaqugukkut nutarsarneqartussaani takusinnaanissaat eqqarsaatigalugu, isumaqatigiissutini piffissat sorliit atuuttuunersut oqaasertaliullugu, kommunip suliaasaataani suliariumannittussarsiuunneqarnikuusunut atatillugu isumaqatigiissutit pillugit takussutissaq pillugu, Paneeraq Olsen 2021-imi juunip sisamaani mail aqqutigalugu oqaluserisassasut siunnersuummik nassiusaqaarnikuvoq.

Maleruagassatigut tunngavissat

Ingerlatsinermi suliaasat sorliit suliariumannittussarsiuunneqassanersut, sorliillu nammineq sulisorisat atorlugit suliarineqassanersut Kommunalbestyrelsimi aalajangerneqartarput.

Suliariumannittussarsiuussisarni Qeqqata Kommuniata tunngavii kiisalu Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq.

Pissutsit atuuttut

Suliaasat isumaqatigiissusiorfigineqarsimasut suliariumannittussarsiuunneqarnikuusullu pillugit kommuni akimorlugu ataatsimoortumik takussutissamik peqannginnerput nassuerutigisariaqarparput, aammalu takussutissaq kingullerpaq 2018-imi suliaanikuvoq.

Kommuni ilaalluni isumaqatigiissutit suliariumannittussarsiuussallu pillugit ataatsimoortumik takussutissaqalernissaq sivisuumik kissaataanikuvoq. Taamaattumik takussutissamik taamaattumik kommunit allat qanoq pilersitsisarnerisut allaffeqarfiup misissornikuuaa.

Taamaattumik pissutsit tamakku pillugit ataatsimoortumik takussutissamik naammassinninnissamut ilaatigut Namminersorlutik Oqartussani atorneqartumik softwaremik pisinissamut missingersuutit pillugit allaffeqarfik qinnuteqaateqarpoq. Aaqqiissut pisiarineqartoq aaqqiissutaagallassaaq, pisortat ataatsimoorullugu ESDH-platformimik (GetOrganised) ikkussinermut atatillugu systemimik assingusumik peqalissagatta. Aaqqiissut taanna sivikinnerpaamik ukiuni pingasuni utaqqisassaavoq, aammalu nalilerneqarpoq, pisiariaqartitsinerup kingunerivaa, utaqqiisaagallartumik aaqqiissummik taassuminnga atuutsitsilertariaqartugut.

2018-imi suliaasat 39-t suliariumannittussarsiuunneqarsimasut naatsorsorneqarpoq. Isumaqatigiissutitigut suliaasat apeqqutaallutik, isumaqatigiissutit suliarineqarneri assigiinngitsorujussuupput. Suliaasat taakku tamarmik sullissinermut tunngassuteqarnerupput.

Isumaqatigiissutit ilaannut naanissaanut ulluliussaqaqanngillat, taamaattorli atorunnaarsinneqarsinnaanerannut ilimasaarutitaqarlutik.

Aaqqiissummik kissaataasumik pisineq, ikkussuineq sungiusarnerlu tullinnguuttut naatsorneqarsinnaavoq:

	Månedlig	Engangs ydelse	Udgift i 2021	Udgift i 2022	Udgift i 2023
Opsætning af løsning, træning af 10 brugere og op til 500 kontrakter	7,000	25,000	67,000	84,000	84,000
Opsætning af løsning, træning af 5 brugere og op til 200 kontrakter	5,100	14,500	45,100	61,200	61,200

Qinnuteqaat pillugu missingersuut allaffissornikkut aaqqiissutissanik atuutsitsilernissamut Aningaasaqarnermut immikkoortup tamakkiisumik missingersuutini ilaasussatut qinnuteqaataavoq. Aaqqiissut suliariumannittussarsiuussinermi isumaqatigiissuteqarfigeriikkatsinnut kiisalu isumaqatigiissutinut annertunerusunut ukiuni arlalinni ingerlasussanut tamanik aqutsinissamut atorneqassaaq. Aaqqiissutip annertussusaa nikerartinneqarsinnaavoq, taamaattumillu aaqqiissummik minnerpaamik aallartinnissaq siunertaavoq, pisariaqartitsinerlu malillugu aaqqiissutinut annertunerusunut qaffatsikkiartorsinnaalluni.

Atuilluartuunissakkut kingunerisinnaasai

Inuutissarsiutillit suliffinnik pilersitsillutik suliaasaqartitsigaangata kommunimut atuilluartuuneruvoq. Tamannalu kommunip atuilluartuunissamik politikianut naapertuulluni.

Allaffissornikkut aningaasaqarnikkullu kingunerisinnaasai

Ataatsimut isigalugu 2018-imi kommunip suliariumannittussarsiuussimasai ukiumut 26 mio. koruuninik ikinnerunngitsunik naleqarput.

Suliassat ilaat akunnermut akeqartinneqarput, taamaalillunilu suliarineqartut apequtaasarmata ukiumut qanorpiaq naleqarnerisut oqaatigiuminaalluni. Assersuutigalugu aputaajaasitsineq kommunip akunnermut akilertarpaa.

Isumaqatigiissutinut software sukkulluunniit nutarterneqartarsimanissaanut isumaginninnissamut kommunimi immikkoortortat ataasiakkaat akisussaasuussapput aammalu Aningaasaqarnermut immikkoortortap nakkutilliisuisa ingerlaavartumik tamassuma pinissaa nakkutigissavaat. Aaqqiissummik software Aningaasaqarnermut immikkoortumi inissinneqassaaq.

Allaffeqarfiup naliliinera

Allaffeqarfiup nalilerpaa, aallaavittut kommunip suliffeqarfiit sivisunerpaamik ukiuni sisamani atuuttussanik isumaqatigiissusiortariaqartoq, tamatumalu kingorna suliariumannittussarsiuussisoqaqqilluni. Taamaakkaluartoq suliassat ilaat annertuumik suliaasaqartarsinnaallutik suliassamut neqeroorteqartut suliassamik ingerlatsisinnanissaminut atortussaminnik pisiniartariaqartarmata, suliassat ataasiakkaat nalilersorneqartariaqarput imaalillugit, suliassap suliariumannittussarsiuunneqaqqinnissaanut isumaqatigiissutip sivisussusissaa sivisunerutillugit.

Allaffeqarfiup nalilerpaa, suliassat taakku kommunimi soqutigineqarnissaat qulakkeerumallugu, suliassanut tamanut isumaqatigiissusiortarnermut atatillugu assigiissaarnerusoqartariaqaraluartoq, taamaalilluni kommuni isumaqatigiissusiortarnermut aalajangersimasumik periuseqassalluni. Tamakkununga tamanut ataqatigiissaarisofimmik pilersitsisoqartariaqaraluarpoq.

Taamaakkaluartoq allaffeqarfiup nalilerpaa, suliassat suliarineqarnissaanni kommunimi soqutigineqarnissaat siunertaralugu, ilaatigut avataani siunnersortinik suleqateqarlutik immikkoortortat pisortap sulisuinik suleqateqarlutik isumaqatigiissutinik assigiissaarisariaqartut. Ilutigitillugu isumaqatigiissutit ataasiakkaanut aningaasaqarnermik nutartikkamik takutitsisumik ilaatigut allaffissornikkut aaqqiissummik ilaatigut automatiskimik naaneritut naggataarutaanerilu pillugit eqqaasitsissumik pilersitsisoqassaaq, takuuk isumaqatigiissutip oqaasertaliussaa, allannguinerit kingorna qaammammut aningaasartuutinik nutarterisoqartassaaq.

Allaffeqarfiup aamma nalilerpaa, suliassat taakku pitsaanerpaamik naammassineqaqquillugit isumaqatigiissutinik malinnaatitsisoqartariaqartoq.

Allaffeqarfiup innersuussutaa

Innersuussutigineqarpoq, aningaasaqarnermut ataatsimiititaliamit akuersissutigissasoq, aammalu kommunalbestyrelsimut akuersissutissanngorlugu ingerlateqqinneqassasoq

- 2021-imi 67.000 koruuninik ukiunilu missiliuuteqarfiusuni 2022-mit 2025 tungaanut 84.000 koruuninik aningaasaliinikkut softwaretut aaqqiissutissatut siunnersuutaasumik pisisoqassasoq

Aningaasaqarnermut ataatsimiititaliap suliamik sulairinninnera

Ataatsimiititaliap 16. juni 2021 ataatsimiinnerani innersuussutigineqartoq akuersissutigineqarpoq. Isumaqatigiissutit ullumikkut atuuttut kommunalbestyrelsimut paasissutissiissutigineqassapput.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- 2021-imi 67.000 koruuninik ukiunilu missiliuuteqarfiusuni 2022-mit 2025 tungaanut 84.000 koruuninik aningaasaliinikkut softwaretut aaqqiissutissatut siunnersuutaasumik pisisoqassasoq

- Isumaqatigiissutit ullumikkut atuuttut kommunalbestyrelsimut paasissutissiissutigineqassapput

Aalajangiineq

Ilanngussat

1. Kommunip suliassaatai suliariumannittussarsiuunneqarsimasut takussutissartaa

**Imm. 3.5 Pitsaaliuermik immikkoortup Atugarissaarnermut Immikkoortortamiit
Ilinniartitaanermut Immikkoortortamut nuunneqarnissaa**

Journal nr. 06.02.04

Tunuliaqutaq

Qeqqata Kommuniani Siumut, IA aamma Atassut 2021-2025-mut suleqatigiinnissamik isumaqatigiissutaani kommunimi peqqinneq, pitsaaliuineq sunngiffimmullu tunngasut pillugit suleqatigiinnissamut maleruagassaqarpoq. Suliassaqarfiit akimorlugit suleqatigiinnissamik isumaqatigiissut maannakkut ilanngunneqarpoq. Pitsaaliuermik suliassaqarfirmut ataatsimut inissisimanissaa kissaatigineqarpoq, tassa peqqinnissamut, pitsaaliuermik sunngiffimmilu suliniutit sunniuteqarluartut suliassaqarfimmi ataatsimi ataatsimut ataqatigiissarneqarluarnerussammata.

Maleruagassatut tunngavissat

Siumut, IA aamma Atassut akornanni 2021-2025-mut suleqatigiinnissamut isumaqatigiissut Kommunimi pisinnaatitaaffeqarneq Kommunip susassaqarfiini aqutsinermut ileqqoreqqusaq

Pissutsit atuutut

Ilinniartitaanermut Ataatsimiititaliaq siunissami pisortani suliassaqarfiit akimorlugit pitsaaliuineq aammalu peqqinneq pillugit suleqatigiilluarnerup ineriartorteqqinnissaata qulakkeernissaanut pingaarutilerujussuuvoq. Uani pineqarput kommuni, politiit, pinerluuteqarsimasunik isumaginnittoqarfik. peqqinnissaqarfik, kigutileriffik, Paarisa allallu attuumassutillit. Kommunimit neqeroorutit peqatigiiffiillu nammineq kajumissutsiminnik ingerlatsisut akornanni sunniivigeqatigiinneq aamma pitsaaliuinerup iluani nukittorsarneqarsinnaasuni aamma suleqatigiiffiusinnaavoq. Ataatsimiititaliaq aamma Kommunip nammineq ingerlatsiviisa akornanni peqqinnerulernissamut aamma pitsaaliuinerup politikikkut ataatsimiititaliat assigiinngitsut akornanni suleqatigiinnissamut aamma qulakkeerinnittuussaaq.

Ataatsimut pitsaaliuinerup peqqissutsimillu siuarsaaneqarup ilaat aamma soorunami Ilinniartitaanermut ataatsimiititaliap nammineq oqartussaqaarfiisa ataani sunngiffimmut tunngasuniipput. Taamaalilluni Pitsaaliuermik siunnertsortit aamma sunngiffimmi pisortat ataani inissisimalissapput. Sunngiffimmi pisortat suliassat allatut ilusilersoqqinneqassapput, suliassat allat Immikkoortortamut agguataarneqassallutik. Sunngiffimmut, pitsaaliuinerup peqqinnermullu tunngasut ataatsimut kattunneratigut Inuunerissaarneq aamma Qeqqata model-ip nammineq suliniutigisaannut nukittorsaataassaaq.

Pingaaruteqarporlumi immikkoortortaqaarfimmi nutaassami suliassat ukkatarineqartussallu naleqqersuusiornissat.

Aningaasaqarnikkut allaffissornikkullu kingunerisinnaasai

Pitsaaliuermik siunnertsortit pingasut atorfeqarput, Sisimiut marluk Maniitsumilu ataaseq. Atorfiit taakkua Atugarissaarnermut immikkoortortamiik Ilinniartitaanermut Immikkoortortamut nuunneqassapput. Taamaalilluni akissarsianut aningaasartuutit Atugarissaarnermut Immikkoortortamiit Ilinniartitaanermut Immikkoortortami missingsuutitigut nuunneqassallutik.

Akissarsianut aningaasaliissutit, ukioq manna nuunneqartussat 2021-mi qaammatinut sisamanut atuutissapput. Pitsaaliuermi siunnertsortimut akissarsiat 27.062,- koruuniupput. 2021-imi septembarimiik decembarimut qaammatinut sisamanut akissarsiat sulisut amerlassusiligaaneranut ataatsimut 108.248,- koruuniuvoq, sulisunullu marlunnut 216.496,- koruuniulluni.

Kommunalbestyrelsep aggstip 19-iani 2021 ileqquusumik ataatsimiinnera 04/2021

Atuiffik	Suunera	Aningaasaliissut 2021	Ilassut	Nutaamik aningaasaliineq
551020201-0501015190-122010102-010580	Ilaqutariinnut Sullissivik, Sisimiut, Qaammammusiat kingumut	3.552.528	-216.496	3.336.032
552020201-0501015190-122010102-010570	Ilaqutariinnut sullissivik, Maniitsoq Qaammammusiat kingumut	2.288.000	-108.248	2.179.752
571010000-1601010000-122010102-010580	Ilinniartitaanermut Immikkoortortaq, Sisimiut, Qaammammusiat kingumut	3.943.632	+216.496	4.160.128
572010000-1601010000-122010102-010570	Ilinniartitaanermut Immikkoortortaq, Maniitsoq, Qaammammusiat kingumut	2.087.925	+108.248	2.196.173
	katillugit	11.872.085	0	11.872.085

2022-mut akissarsianut aningaasaliissutit ukiunullu missiliuuteqarfiusunut nuunneqartussani pineqarput pitsaaliuinermi siunnersortimut ukiumut akissarsiassat. Pitsaaliuinermit siunnersortimut ukiumut akissarsiat 324.744,-voq, sulisunullu marlunnut 649.488,- koruuniulluni.

2022-mut ukiunullu missiliuuteqarfiusunut missingersuutitut nuutitsinermi ukiumut aningaasartuutit ima isikkoqarput:

Atuiffik	Suunera	Aningaasaliissut 2021	Ilassut	Nutaamik aningaasaliineq
551020201-0501015190-122010102-010580	Ilaqutariinnut Sullissivik, Sisimiut, Qaammammusiat kingumut	3.552.528	-649.488	2.903.040
552020201-0501015190-122010102-010570	Ilaqutariinnut sullissivik, Maniitsoq, Qaammammusiat kingumut	2.288.000	-324.744	1.963.256
571010000-1601010000-122010102-010580	Ilinniartitaanermut Immikkoortortaq, Sisimiut, Qaammammusiat kingumut	3.943.632	+649.488	4.593.120
572010000-1601010000-122010102-010570	Ilinniartitaanermut Immikkoortortaq. Maniitsoq. Qaammammusiat	2.087.925	+324.744	2.412.669

	kingumut			
	katillugit	11.872.085	0	11.872.085

Allaffeqarfiup naliliinera

Peqqinnermut, pitsaaliuinnermut sunngiffimmilu tunngasut nukittorsarnerisigut, Inuunerissaarnermi suliniutit aamma Qeqqata Model kiisalu Inuuneritta 3-p suliniutaannut suliniutillu allat ataatsimut ingerlanneqarsinnaalissapput.

Allaffeqarfiup innersuussutaa

Atugarissaarnermut immikkoortortap Atugarissaarnermut ataatsimiititaliamut innersuussutigaa,

- Pitsaaliuinnermut siunnersortitut atorfiit pingasut, taakkunani Sisimiuni marluk Maniitsumilu ataaseq Atugarissaarnermut Immikkoortortamiit Ilinniartitaanermut immikkoortortamut nuunneqarnissaat akuersissutigineqassasoq
- Qulaani 2021-mut eqitsimmi takutinneqartutut akissarsianut aningaasaliissutinik kiisalu qulaani takutinneqartutut 2022-mut ukiunullu missiliuuteqarfiusunut missingersuutitigut nuutitsinissaq akuersissutigineqassasut
- Suliaq inaarutaasumik akuersissannngorlugu Aningaasaqarnermut Ataatsimiititaliamut aamma Kommunalbestyrelsimut ingerlateqqinneqassasoq

Ilinniartitaanermut immikkoortortamit Ilinniartitaanermut Ataatsimiititaliamut akuereqqullugu innersuussutigineqarpoq:

- Pitsaaliuisutut atorfiit pingasut, tassannga Sisimiuni marluk aamma Maniitsumi ataaseq Atugarissaarnermut Immikkoortortamiit Ilinniartitaanermut Immikkoortortamut nuunneqarnissaat akuersissutigineqassasoq
- Qulaani 2022-mut eqitsimmi akissarsianut aningaasaliissutinik kiisalu eqitsimmi ukiunut missiliuuteqarfiusunut missingersuutitigut nuutitsinissaq akuersissutigineqassasut
- Suliaq inaarutaasumik akuersissannngorlugu Aningaasaqarnermut Ataatsimiititaliamut aamma Kommunalbestyrelsimut ingerlateqqinneqassasoq

Atugarissaarnermut ataatsimiititaliap suliamik sularinninnera

Ataatsimiititaliap 3. august 2021 ataatsimiinnermini innersuussut akuersissutigivaa.

Ilinniartitaanermik ataatsimiititaliap ilanngussatut Organisationsdiagram-imik ikkussisoqarnissaa kissaatigineqarpoq.

Ilinniartitaanermut ataatsimiititaliap suliamik sularininnera

Ataatsimiititaliap 3. august 2021 ataatsimiinnerani innersuussut akuersissutigineqarpoq.

Aningaasaqarnermut ataatsimiititaliap suliamik sularinninnera

Ataatsimiititaliap ataatsimiinnermini 10. August 2021 innersuussut akuersissutigivaa.

Innersuussut

Aningaasaqarnermut ataatsimiititaliap Kommunalbestyrelsimullu innersuussutigivaa akuereqqullugu,

-Pitsaaliuinnermut siunnersortitut atorfiit pingasut, taakkunani Sisimiuni marluk Maniitsumilu ataaseq Atugarissaarnermut Immikkoortortamiit Ilinniartitaanermut immikkoortortamut nuunneqarnissaat akuersissutigineqassasoq

-Qulaani 2021-mut eqitsimmi takutinneqartutut akissarsianut aningaasaliissutinik kiisalu qulaani takutinneqartutut 2022-mut ukiunullu missiliuuteqarfiusunut missingersuutitigut nuutitsinissaq akuersissutigineqassasut

Aalajangiineq

Ilanngussat:

1. Indlægningsark flytning forebyggelse 2021
2. Indlægningsark flytning forebyggelse 2022 og overslagsårene

Imm. 3.6 Inuit innarluutillit inatsisaat malillugu piumasaaqatit matuneqarnissaat pillugu aningaasanik immikkut aningaasaliissuteqarnissaa pillugu qinnuteqaat immikkut aammalu sulisut ilaneqarnissaannik akuerineqarnissaa

Journalnr. 06.02.01

Tunuliaqutaq

Saqqummiunneqartoq suliareneqaqqaarpoq atugarissaanermut ataatsimiititaliamiit maajit 31-viani ukioq manna, kingorna Aningaasaqarnermut ataatsimiititaliamiit juni 11-viani. Suliaq utertinneqarpoq aningaasaqarnermut ataatsimiititaliamiit konto-mik nassaartoqaqqullugu. Suliaq misissoqqinneranni paasineqarpoq aningaasat pineqartut inissinneqarsimasut bloktilskudsmodel-imi takuneqarsinnaasut kakkiussaq 1-imi, taamasilluni suliaq allanngortinneqarpoq immikkut qinnuteqaatit. Bloktilskudsmodel 26 mill . kr-imeq naleqarpoq, taakkua 5 mill massakut qinnutigineqarput atugarissaarnerup ataaniilissisasut.

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersup atuutilernissaanut Nalakkersuisut Qeqqata Kommunianut aningaasanik 5 million kr. tapiissutinik ukiumut bloktilskudsmodel-imiit aqputigalugu inatsimmi piumasaaqatit matussuserneqarnissaannut atugassaatur tapiissuteqarput 2020-imi.

Inatsisartut inatsisaat atuutilertinneqarneraniit inuit innarluutillit tapersersorneqarnissaminnik pisariaqartitsisut tamarmik ukioqanngitsuniit utoqqarnut periarfissaqalernikuupput. Tamatumalu kinguneranik inuit sullinneqarnissaminnik piginnaatitaaffillit Qeqqata Kommuniani amerlariarput.

Tamannalu pillugu immikkoortortami sullissisut amerlinissaat pisariaqalerluni, aammalu inatsisimi piumasaaqatit annertusineqarnerisigut aningaasaliiffiqeqartariaqartut arlaqarlutik.

Maleruagassatigut tunngavissat

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersup § 6. Inatsisartut inatsisaat manna, ukiut apeqqutaatinnagit, inunnut innarluutilinnut Kalaallit Nunaanni najugaqartunut, atuuppoq.

Imm. 2. Inuit innarluutillit tassaapput inuit ataavartumik timikkut, tarnikkut, silassorissutsikkut imaluunniit malugisaqarsinnaanikkut piginnaanikillissimasut, aporfii illu assigiinngitsut sunniivigeqatigiinnerisigut, allat assigalugit inuiaqatigiinni tamakkiisumik sunniuteqarluartumillu peqataanissaannut akornuserneqartut.

Illersuisoq

§ 24. Illersuisoqarnermik aqqissuussineq kommunalbestyrelsimit pilersinneqassaaq siunertaralugu inuup innarluutillip illersuisumit tapersersorneqarnissaa:

1) Inatsisartut inatsisaat manna malillugu kommunalbestyrelsip tapersiinnissaq pillugu suliamik suliarinninnerani,

Tapersersortitut ikiorti

§ 42. Inummumut innarluutilimmumut, pingaarutilimmik timikkut, tarnikkut, silassorissutsikkut imaluunniit malugisaqarsinnaanikkut piginnaanikillissimasumut, nammineq angerlarsimaffimmini nammineersinnaanissamut, najugaqatigiiffimmi imaluunniit najugaqarfimmi illersugaasumi isumaginninnikkut perorsaasumit tapersersorneqarnissamik pisariaqartitsisumut, tapersersortitut ikiortimik kommunalbestyrelse neqerooruteqassaaq.

Imm. 2. Inuk innarluutilik, taassuma tarnikkut, timikkut inooqatigiinnikkullu ineriartorneranut kiisalu ulluinnarni suliasaminik suliaqarnissaanut tapersersortitut ikiortip ikiortassavaa, matumani angerlarsimaffiup avataani ikiuneq ilanngullugu.

Imm. 3. Imm. 1 malillugu aalajangiinnermut ilaatillugu sapaatip akunneranut nalunaaquttap akunnerisa tapersersuinnermut atorneqartussat amerlassusissaat kommunalbestyrelsip aalajangersassavai.

Imm. 4. Tapersersortitut ikiorti kommunalbestyrelsimi atorfinitsinneqartassaaq.

Imm. 5. Tapersersortitut ikiortit pillugit maleruagassanik erseqqinnerusunik Naalakkersuisut aalajangersaasinnaapput, matumani ilanngullugit:

1) piukkunnassutsinut piginnaasaqarfinnullu piumasagaatit, kiisalu

2) pineqaatissinneqarsimannginnermut uppersaammik aamma meeqqanik pinerliisimannginnermut uppersaammik piniartarnej.

Nuunnissamat ikiorsiissutit

§ 43. Meeqqamat innarluutilimmut angajoqqaatut akisussaasusunut, kommunip iluani najukkap nuuneqarnerani aningaasartuutit matussutissanik, kommunalbestyrelse aningaasanik tapersiisissamik neqerooruteqarsinnaavoq, pisuni makkunani:

Illerfimmik angallassineq

§ 59. Inuk innarluutilik najugaqarfissatut neqeroorumi, nunagisap avataaniittumi najugaqartoq najugaqarnermini toqkukut qimaguppat, illerfiup assartornissaanut aningaasartuutit tamakkiisumik ilaannakortumilluunniit matussutissaanut kommunalbestyrelse tunniussisinnaavoq.

Nakkutilliineq

§ 62. Kapitali 9-mi aalajangersakkat malillugit inummut innarluutilimmut najugaqarfissatut neqeroorumiittumut, inummut sammititamik kommunimi angerlarsimaffigisami kommunalbestyrelse nakkutilliissaaq. Nakkutilliinnermut ilaatillugu, najugaqarfissatut neqeroorumiinnermi inuup timikkut, tarnikkut inooqatigiinnikkullu pisariaqartitai sulii naammassineqarnerisut kommunalbestyrelsip qulakkiissavaa.

Pissutsit atuuttut

Maniitsumi Sisimiunilu inunnik innarluutilinnik sullississut maannamut katillugit sisamaapput, tassa illoqarfiit immikkut marlunnik sullissisoqarlutik.

Inatsisartut inatsisaata atuutilerneraniit sullitassat amerleriarnikuupput, inatsimmi nutaami ukiut apeqqutaatinnagit atuutileremat.

Tamannalu pillugu immikkoortortami sullississut amerlinissaat pisariaqalerluni, aammalu inatsisimi piumasagaatit annertusineqarnerisigut aningaasaliiffiqartariaqartut arlaqarlutik.

Tassani aamma pineqarlutik illersuisumut/Najortimut tunngasut nakkutilliinnermullu tunngasut. Inatsimmut nutaamut malitsigitillugu illersuisumik/najortimik neqerooruteqartalernissaq piumasagaataavoq.

Ilanngullugu illersuisunut / Najortinut pikkorissariarnissaannik piumasagaatitaqartut

Kalaallit nunaanni ulloq unnuarlu najugaqarfiusunik nakkutilliisarnissaq Kommuninut piumasagaataalernikuuvoq, tamannalu nutaajummat sullississusamik pilersitsisariaqarluta aammalu angalatitsisalernissamik malitseqartussaq.

Ataani takuneqarsinnaapput ullumikkut sullinneqartut amerlassusii Sisimiuni Maniitsumi nunaqarfiinilu inissisimasut.

Sisimiut

Tapersersorteqarnissamik pisariaqartitsisut

	Tapersersortariaqartut	Illoqarfimmi	Najugaqatigiiffinni
Utoqqaat innarluutillit	50		
Tarnikkut innarlutillit		25	30
Timikkut innarluutillit		16	
Meeqqat innarluutillit		13	
Katillugit	50	54	30

Najugaqatigiiffiit

Sisimiut	Najugaqartut
Umiivitsisaq 3	3
Umiivitsisaq 9	3
Umiivitsisaq 49	3
Umiivitsisaq 23	3
Umiivitsisaq 13	3
Chr.28-ip aqq.31	3
Aqqartarfik 6-13	3
Aqqartarfik 5-307	4
Aqqartarfik 5-207	4
Deichmannip aqq. 8	13
Katillugit	42

Ulloq unnuarlu angerlarsimaffinni najugaqartut

Sumiiffik	Najugaqartut
Qupanuk Utoqqaat angerlarsimaffiat	2
Sungiusarfik Aaqa Nuuk	1
Elisibannguaq Maniitsoq	1
AJA Nuuk	1
Palleq Paamiut	1
Ivaaraq Qaqortoq	1
Sungiusarfik Ikinngut	1
Qallunaat nunaanni	11
Qalunaat nunaanni pineqaatissinneqarsimanermi inissitat	1
Ulloq unnuarlumiittut katillugit	20

Maniitsoq

Tapersersorteqarnissamik pisariaqartitsisut

	Tapersersortariaqartut	Illoqarfimmi	Najugaqatigiiffinni
Utoqqaat innarluutillit	36		
Tarnikkut innarlutillit		29	11
Timikkut innarluutillit		14	
Meeqqat innarluutillit		8	
Katillugit	36	51	11

Najugaqatigiiffiit

Maniitsoq	Najugaqartut
MIKI Innarluutilinnut inissiami lejliged pingasut (002,003 og 004)	3
NASIFFIK Esbjergvej 402 Blok	4
KATAK Tunoqqusaaq 833, -A2 Blok	4
Najugaqaqatigiiffinniittut katillugit	11

Ulloq unnuarlu angerlarsimaffinni najugaqartut

Sumiiffik	Najugaqartut
Neriusaaq Maniitsoq (Utoqqaat angerlarsimaffiat)	5
Sungiusarfik Aaqa Nuuk	2
Elisibannguaq Maniitsoq	4
AJA Nuuk (uulinerup immikkoortortaa)	1
Qallunaat nunaanni	7
Qallunaat nunaanni Pineqaatissinneqarsimanermi inissitat	2
Ulloq unnuarlumiittut katillugit	21

Atuilluurtuunissakkut kingunerisinnaasai

Sisimiuni Maniitsumilu Atugarissaarnermut immikkoortortaarfii Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019- imeersoq atuutilerneraniit Nalakkersuisut aningaasat ukiumut 5 million koruunit Qeqqata kommunianut matussutissatut tapiissutigineqartalerput, bloktilskudsmodel aqputigalugu.

Aningaasallu immikkoortortaarfinnut nuunneqarneratigut inatsisini piumasaqaatit naammassinnaanut periarfissaqarnerulissaaq. Sullissisullu amerlanerisigut inuttaasunik sullissineq oqinnerulissaaq, aammalu Qeqqata Kommunianilu inuit innarluutillit sullinneqarnerat pitsaanerulissalluni.

Aningaasaqarnikkut allaffissornikkullu kingunerisinnaasai

Eqitsik 1

Maniitsoq	Amerlassutsit	Akiss. Kr.	Katillugit Kr.	Ukiumut Kr.
Socialrådgiver-inik atorfinitsineq	2	29.830	59.660	715.920
Illersuisut / Najorti			5.000	5.000
Tapersersortit tiimii ilallugit	10			1.104.080
Illerfimmik angallassinerit			30.000	30.000
Nuunnissamat ikiorsiissutit			150.000	150.000
Aningaasartuutissat katillugit				2.005.000

Eqitsik 2

Sisimiut	Amerlassutsit	Akiss. Kr.	Katillugit Kr.	Ukiumut Kr.
Socialrådgiver-inik atorfinitsineq	2	29.830	59.660	715.920
Illersuisut / Bisidder			5.000	5.000
Tapersersortit pisoq-miittut ilallugit, Pisoq aningaasaqarnerat qaffanneqassaaq una aqputigalugu.	15			1.656.120

Illerfimmik angallassinert			30.000	30.000
Nuunnissamat ikiorsiissutit			150.000	150.000
Aningaasartuutissat katillugit				2.557.040

Eqitsik 3

Qeqqata Kommunian ataatsimoorussaq / Fælles	Amerlassutsit	Qaammammuk kr.	Ukiumut kr.
Ulloq unnuarlu angerlasimaffinni nakkutilliisq	1		
Nakkutilliisq		29.830	357.960
Angalanernut unnuinerit ullormusiassat			80.000
Aningaasartuutissat katillugit			437.960

Allaffeqarfiup naliliinera

Atugarissaarnermut Immikkoortortaqarfik Sisimiut Maniitsorlu naliliipput, Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019- imersoq atuutilerneraniit Nalakkersuisut aningaasat ukiumut 5 million koruunit Qeqqata kommunianut Bloktiskud aqqutigalugu matussutissat tapiissutigineqartalerput.

Aningaasallu immikkoortortaqarfinnut nuunneqartariaqartut inatsisartut inatsisaani piumasqaatit naammassinissaanut atugassatut, aammalu sulisut amerlanerisigut inuttaasunik sullissineq oqinnerulersitsisussaammat sullissinneq sukkanerulertussaalluni. Ilanngullugu Qeqqata Kommuniani inuit innarluutillit sullinneqarnerat pitsaanerulertussaalluni.

Allaffeqarfiup innersuussutaa

Atugarissaarnermut Immikkoortortaqarfik Sisimiut Maniitsaq Atugarissaarnermut Ataatsimiititaliamut innersuussutigivaa:

- Akuereqqullugu aningaasaliiffiusumi 2021-imi ukiunilu tulliuuttuni
 1. Eqitsik 1. Maniitsumut aningaasanik qaffanneqarnissaa kr. 2.005.000,-
 2. Eqitsik 2. Sisimiunut aningaasanik qaffanneqarnissaa kr. 2.557.040,-
 3. Eqitsik ataatsimoorussamik aningaasartuutissat qaffanneqarnissaa kr. 437.960,-
- Suliaq naggataasumik akuerneqarnissaanut nassiunneqassasoq Aningaasaqarnermut ataatsimiititaliamut aamma Kommunalbestyrelse-mullu.

Atugarissaarnermut ataatsimiititaliap suliamik suliarinninnera

Ataatsimiititaliap 3. august 2021 ataatsimiinnerani innersuussut akuersissutigineqarpoq suliarlu naggataasumik akuerneqarnissaanut Aningaasaqarnermut ataatsimiititaliamut aamma Kommunalbestyrelsemullu nassiunneqassasoq.

Aningaasaqarnermut ataatsimiititaliap suliamik suliarinninnera

Ataatsimiititaliap 10. August 2021 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap Kommunalbestyrelsimullu innersuussutigivaa,

- Akuereqqullugu aningaasaliiffiusumi 2021-imi ukiunilu tulliuuttuni
 1. Eqitsik 1. Maniitsumut aningaasanik qaffanneqarnissaa kr. 2.005.000,-

2. Eqitsik 2. Sisimiunut aningaasanik qaffanneqarnissaa kr. 2.557.040,-
3. Eqitsik ataatsimoorussamik aningaasartuutissat qaffanneqarnissaa kr. 437.960,-

Aalajangiineq

Ilanngussat

1. Kommuninut tapiissutit atorneqarneri agguataarneqarnerilu

Imm. 4.1 Oqaluuserisassatut siunnersuut – Meeqqanut Inuusuttunullu politikkimik 2010-meersumik nalilersueqqinneq

Journal nr. 01.10.31

Tunuliaqutaq

2021-mi maajip 26-ani mailikkut Kommunalbestyrelsimi ilaasortamit Kirstine Olsen-imit oqaluuserisassatut siunnersuuteqarluni kommunalbestyrelsimi oqaluuseriassatut siunnersuuteqarpoq. “*Matumuuna Qeqqata Kommuneani Meeqqaanut Inuusuttunullu politikki 2010-meersoq nalilersoqqitassatut, nutaanillu suliniutinik suliniuteqartoqaqqinnissaanut nalilersugassatut oqaluuserisassannngortikkusuppara.*

Tunuliaqutaq: Oqaluuserisassannngortitsinermut tunngaviuvoq Meeqqanut Inuusuttunullu politikkip ullutsinnut naleqquttumik inissinneqarnissaa pingaaruteqarmat, taamatullu meeqqat inuusuttullu suliniaarfiginissannut politikikkut sullisseqqinnissamat tunngaviussammat.

Inuusuttut atuareerlutik ingerlariaqqinngitsoortut suliniarfiginissai pingaaraaruteqarlunnarput, taamatullu meeqqerivimmi utaqqisitsisarneq qanoq iliuuseqarfigineqartariaqarpoq. Tassani Qeqqata Kommuniani ukiuni kingullerni talimani meeqqat atuarfianiit inuusuttut uniinnartartut kiisalu Majoriamit sullinneqarnikuusut qassiunerisa amerlassusaat pillugu kisitsisitigut takussutissat paaserusunnarput. Taamatutaaq massakkut meeqqat meeqqerivimmut isernissaminnut qassit utaqqisuutigineqarnersut paaserusunnarpoq.

Asaaneerani meeqqat atuanngiffeqarneranni Qeqqata kommuniata sunngiffimmi sammisassanik suliniuteqarnera ersarinnerusariaqarpoq annerusumillu malunnartinneqartariaqarluni - meeqqanut tamanut neqeroorutaasumik ingerlatsisoqartariaqarluni. Uani kulturikkut suliaqartunut aningaasaliinikkut aamma asaaneerani suleqatigiisitat assigiinngitsut katiternerisigut aasaq manna / taamaangippat ukiuni tulluuttuni ingerlanneqarsinnaasorigakku. Atuarfiit asaaneerani atorneqanngitsut susassaqaartitsinermut atorluarneqarsinnapput, timersornermik suliaqartut aammalu sunngiffimmi siunnersortit / pinaaveersaartitsisut peqatigiillutik aamma suliniuteqarnerisigut susassaqaartitsineq annertusarneqarsinnaalluni.

Susassaqaartitsinissap meeqqat akornanni qinngasaaruttarneq pinaveersaartissavaa, taamatullu illoqarfiit / nunaqarfiillu iluini aserorterisarnerit ingalassimaartinneqassapput, meeqqallu ineriartortinneqassallutik. Sisimiuni Naluttarfiup atorunnaarnerata taarserneqannginnera arlaatigut iliuuseqarfigineqarnissaa kissatiginarpoq”.

Maleruagassatigut tunngavigisaq:

Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq (§3 imm. 3)

Pissutsit atuuttut

Maniitsup Sisimiullu meeqqanut inuusuttunullu politikkiisa assigiissaarneqarneranut atatillugu, Maniitsumi Sisimiunilu Ilaqutariinnermut immikkoortortaq aamma Ilinniartitaanermut immikkoortortaq Qeqqata Kommunianut politikkimik ataatsimoortumik atuutsitsilernissamik sulaiqarnikuupput, **kommunalbestyrelsillu nalinginaasumik ataatsimiinnerani 02/2010, 2010-mi aprilip 28-ani politikki** akuersissutigineqarpoq.

Meeqqanut inuusuttunullu politikki 2010-meersoq meeqqanut inuusuttunullu taakkulu inuunermut isiginninnerannik aallaaveqarpoq aammalu politikki meeqqat inuusuttullu meeraanermut inuusuttuunermullu peqqinnartumut inerikkiartuutaasumullu pisinnaatitaaffinnik qulakkeerinninnissamat peqataasussaagaluarpoq, tassani ilinniarnaq, sunngiffik aamma kulturikkut

neqeroortuutaasut atorreqartussaallutik. Politikkimik peqatigiiffinnik, namminersorlutik inuusutissarsiutilinnik, kattuffinnik namminersortunik aamma nunaqarfinnik akuutitsinikkut sumiiffinni innuttaasut peqataatillugit akuutinniarneqarnikuupput. 2010-mi marsip 17-iani Ilaqutariinnermut ataatsimiititaliap aamma 2010-mi marsip 23-ani Ilinniartitaanermut, Kulturimut Sunngiffimmilu ataatsimiititaliap ataatsimiinnerani politikki eqqartorneqarpoq kommunalbestyrelsillu nalinginnaasumik 02/2010 2010-mi aprilip 28-ani ataatsimiinnerani inaarutaasumik akuersissutigineqarluni. 2010

Atuilluartuunissakkut kingunerisinnaasai

Meeqqat inuusuttullu siunissaraavut. Taamaattumik kommuni ullutsinnut naleqquttumik meeqqanut inuusuttunullu politikkimik peqarnissaa atuilluartuuneruvoq.

Aningaasaqarnikkut allaffissornikkullu kingunerisinnaasai

Kommunip meeqqanut inuusuttunullu politikianik nalilersueqqinneq aningaasaqarnikkut kinguneqarnissaa naatsorsuutigineqanngilaq, kisiani innuttaasunut ataatsimiititsinernut aammalu Meeqqanut inuusuttunullu politikkimik naqiterisinnaaneq aningaasartuuteqassaaq.

Allaffeqarfiup oqaaseqaatai

Meeqqanut inuusuttunullu politikkimik 2010-meersumik nalilersueqqinnissaaq pillugu siunnersuut allaffeqarfiup iluaraa.

Taamanikkorniilli immikkoortumi pisoqarnikorujussuuvoq, aammalu taamaattumik kommunip meeqqanut inuusuttunullu takorluugai anguniagaatalu eqqarsaatigeqqinneqarnissaaq nutarsarneqarnissaaq pingaartinneqarpoq. Politikki nutartigaq meeqqanut inuusuttunullu iliuusissatut pilersaarummik aamma allannguineramik suliniuteqarnermut peqataasinnaavoq.

Politikki aammattaq anguniagassat angunissaasa iluatsinnissaanni kommunimit innuttaasunit suut natsorsuutaanersut ersarissarneqarsinnaapput.

Allaffeqarfiup innersuussutai

2010-mi politikki akuersissutigineqarneraniit pisoqarnikorujussuummat Meeqqanut Inuusuttunullu politikkip nalilersorneqarnissaa allaffeqarfiup innersussutigivaa, aammalu taamaattummik Meeqqanut Inuusuttunullu politikimmik nutaamik nalilersukkamik suliaqarnermik siunnersuusiornikuulluni ukuninnga peqartumik:

- Politikkimik nalilersueqqinnermik suliniutit aqunneqarnissaannut piffissanut pilersaarut atorreqassaaq. Uani ilaatigut uppersarneqassaaq, suliniuteqaqatigiinni ilaasortat, suliniummi piffissat anguniakkallu, akisussaaqatigiit piffissatullu pilersaarutit (takuuk ilanngussaaq 1).
- Suliniuteqaqatigiit ilanngussaannik aallaavilimmik politikki nalilersoqqinneqassaaq, politikkilu suliaareersoq illuatungerisanut attuumassutilinni tusarniutissanngorlugu nassiunneqassaaq.
- Politikkimik nalilersueqqinnermi ilanngunneqartussatut imaluunniit isumassarsiorfissaatut atorreqarnissaaq tullinnguuttut inassutigineqarput:
 - Naalagaaffiit Peqatigiit meeqqat pisinnaatitaaffii pillugit isumaqatigiissutaat
 - Naalagaaffiit Peqatigiit nunarsuaq tamakkerlugu anguniagaat
 - Inatsit
 - Qeqqata Modelli
 - Inuunerissaarneq
 - Inuuneritta III - Meeqqat inuunerissut
 - Qeqqata Kommuniata suleqatigiinnissamut isumaqatigiissutaa 2021

Innersuussut

Allaffeqarfiup kommunalbestyrelsimut innersuussutigaa

- Meeqqanut Inuusuttunullu politikkimik nalilersueqqinnissaq akuersissutigineqassasoq, takuuk allaffeqarfiup innersuussutaa
- Piffissamut pilersaarut aammalu Inuunerissaarneq - Det gode liv kiisalu Qeqqata Modelimut aqutsisoqatigiit suliniummi aqutsisoqatigiinni pilersinneqartumi ilaatinneqassasut akuersissutigineqassasoq.

Aalajangiineq

Ilanngussat

1. Qeqqata Kommuniani Meeqqanut Inuusuttunullu politikkimik nalilersueqqinnermi piffissatut pilersaarutitut siunnersuut

Imm. 4.2 Sapaatit akunnerisa naanerini meeqquerivimmik ammatitsisarnissamik siunnersuut

Journal nr. 44.03

Tunuliaqutaq

Kommunalbestyrelsemi ilaasortaq Karl Lyberth ulloq 18. maaji 2021 e-mailikkut oqaluuserisassanngortitsivoq:

“Illoqarfinni nunaqarfinnilumi suliffeqarfiit amerlasuut, soorlu aalisakkanik suliffissuit, pisiniarfiit, utoqqaat illui, allallu sapaatip akunnerani ullut tamaasa suliffiusariaqartarput. Suliffeqarfiit tamakkua sulisui ikigisassaangitsut sapaatit akunnerisa naannerini (arfininngorneq sapaallu) meeqqaminnik paarsisussaaleqisarneq annertuumik ajornartorsiutigisarpaat. Tamatuma ilaatigut kingunerisarpa aalisakkanik suliffissuit arfininngornikkut sapaatikkullu sulisussaminnik ajornartorsiuteqalerneru.

Ajornartorsiut pineqartoq qaangerneqarsinnaavoq arfininngornikkut, immaqalu aamma sapaatikkut, meeqquerivimmik ataatsimilluunniit ammasoqartalerneratigut.

Ajornartorsiut pineqartoq qaangerusunnaqimmat neriuppunga siunnersuut akuerineqarumaartoq.”

Maleruagassatigut tunngavissat

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

Innersuussut

Innersuussutigineqarpoq suliaq eqqartoriarlugu Ilinniartitaanermut ataatsimiititaliamut suliarisassanngorlugu ingerlatinneqassasoq

Aalajangiineq

Ilanngussat

Punkt 4.3 Oqaluuserisassanut siunnersuut – suleqatigiinneq eqaatsumillu sullissineq

Journalnr. 02.02.01

Tunuliaqutaq

Kommunalbestyrelsemi ilaasortaq Kirstine Olsen, ulloq 18. juni 2021 mailikut siunnersuummik nassiussivoq;

”Ilaqutariinnik / meeqqanik, inunnilluunniit pisariaqartitsisunik sullissinermi, suleqatigeeriaaseq pitsannqorsarniarlugu qanoq eqaallisaasoqarsinnaava?

*Assersuutigalugu **ilinniartitaanermut immikkoortortaqarfiup** ataani suliamik aallartitsinermi, **atugarissaanermut immikkoortortaqarfimmu** suliaq ingerlagaangat pisut akunnerminni ”nipangiussisussaataaneq” pissutigalugu sulinerup ”avittarnera”, suleqatigiittussatullu isikkoqartut imminnut suleqatigiissinnaajunnaartarnerat qanoq suleqatigiinnermut saatsinneqarsinnaava? Assersuutigalugu atuarfimmit ernumaammik apuussinerup kingorna, atuarfiup suliamik malinnaatinneqartannginnera ilinniartitsisunut assut kipiluttunartutut isigineqartarpoq, taamatuttaaq immikkoortortat akornanni suliaq immikkuutaartumik inissitsilertarnera aamma ersittarluni.*

Soorlu meeraq misi-mut innersuunneqarsimappat, aammalu ilaqutariit Ilaqutariinnik kiffartuussivimmit sullin角度alersimappata, pingajuattullu meeqqap pisariaqartitai aallaavigalugit meeraq Pissassarfimmi aamma sullin角度alersimappat, sagsbehandlerillu allatut aamma suliniuteqarpata, taava suliaq qanoq ataatsimut pitsaasumik kinguneqartissallugu kommunemit ilusilersorneqarsinnaava?

Sullissinerup eqaatsumik sullitanullu sukkanerpaamik sunniuteqarsinnaasumik qanoq suleqatigiissinnaaneq isikkulerneqarsinnaava?”

Maleruagassatigut tunngavissat

Pisortat ingerlatsineranni suliassat suliarineqartarnerat pillugu Inatsisartut inatsisaat pillugu Namminersorlutik Oqartussat nalunaarutaat nr. 4, 20. April 2021-imeersoq

Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersoq

Pissutit atuuttut

Akimortumik ataqatigiissaarineq tunngaatigut ingerlariuseq paasisaqarfigerusullugu, Ilinniartitaanermut immikkoortortamit ilaatigut atuarfimmi siunnersortinit, MISI-mit aamma Atugarissaanermut immikkoortortamit paasisutissanik aallertoqarsimavoq, ataani sukumiinerusumik unammillernartitat innersuussutillu allaaserineqarlutik.

Atuarfimmi siunnersortinit ilanngussat

Suleriuseq:

Innuttaasooq kinaluunniit ilisimasaqaleruni meeqqap ingerlalluannginneranik, peqqissusaanik ineriartoneranilluunniit navianartorsiortitsisumik meeqqap inuunermi atugaqarneranik kommunalbestyrelsimut nalunaaruteqarnissamik pissusaaffeqarpoq (Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersumi §15 naapertorlugu)

- Atuarfinni nalunaarutit taamaattut atuarfimmi siunnersortinut nassiunneqartarput, taassumap katersoriarlugit uunga mailimut ingerlateqqittarpai: sis.familie@qeqqata.gl

- Atuarfimmi siunnersorti nalunaarnermini, nalunaarutip tiguneranut uppersaammik pisarpoq.

Unammillernartut:

Atuarfinni siunnersortit erseqqissarpaat allanut aqutsisoqarfinnut attaveqaqateqarneq illugiilluni attaveqaqatigiinnerunngitsoq. Piffiit ilaanni nalunaarutiginninnermi uppersaammilluunniit tigusaqarneq ajorput. Paasissutissanik amigartunik kiisalu iliuuseqartoqannginneranik nukillalaarnerup kingunerisaanik nalunaarutit atuarfinneersut nassiteqqinneqartarput ajornartorsiutit piusut ersarissarniarlugit.

Ullumikkut suleqatigiinneq

- Atuarfimmi siunnersortit isumaqatigiissutaanni allassimavoq aqutsisoqarfiit allat suleqatigineqassasut.
- Aqutsisoqarfiit akimorlugit suleqatigiinneq pitsanngorsarniarlugu ukiut pingasut matuma siorna qaammat allortarlugu ataatsimiittarneq aallartinneqarpoq. Taakkunani atuarfimmi siunnersortit, MISI Ilaqutariinnut Kiffartuussivik Atugarissaarnermullu Immikkoortortaq peqataasarput.

Unammillernartut:

Aqutsisoqarfiit allat ataatsimiinnissanut naliginnaasunut takkuttannginneri ajornartorsiuterujussuuvooq. Piffissaqannginneri nalunaarutigineqartarpoq. Taassumap saniatigut aqutsisoqarfiit aqutsisuinut attaveqarniarneq ajornakusoarluni.

Atuarfimmi siunnersortit kissaatigaat

- Attaveqaqatigiinneq pitsaannerusoq

Atuarfimmi siunnersortit kissaatigaat minnerpaamik nalunaarutiginninnerup tiguneranik uppersaammik pisarnissartik.

Taassumap saniatigut sullissinerup ingerlaneranik paasissutissanik pissarsisarussupput, meeqqat pisariaqartitaat pillugit atuarfiup ilisimaarinninnissaa anguniarlugu.

- Suleqatigiinneq qaninnerusoq

Atuarfimmi siunnersortit kissaatigaat aqutsisoqarfiit allat ataatsimiinnissanut naliginnaasunut peqataanissartik salliutittassagaat. Peqataasut illuatungerisami suleriaasiat pisariaqartitaallu ataatsimiinnerni qulaajarsinnaavaat, illuatungeriinnut tamanut iluaqutissatut.

Taamaasiornikkut sullissinnermi ingerlariuseq pitsanngorsarneqarsinnaavoq, sullinneqartumut nagaataani pitsanngorsaattissatut.

- Qatserineq pinnagu pinaveersaartitsineq

Atuarfimmi siunnersortit kissaatigaat aqutsisoqarfiit allat pinaveersaartitsilluni suliniuteqarnerit amerlanerusut ingerlatissagaat. Inuusuttut ernumassutillit amerlavallaarput. Kissaatigaat aqutsisoqarfiit atuarfinni atuartunilu takussaannerussasut. Taassumap saniatigut angajoqqaat nukittorsarneqarnissaat kissaatigineqarpoq, meeqqami killilersinnaaneranik ajornartitsikkajuttarmata.

Atugarissaarnermut immikkoortortamit ilanngussat

Suleriuseq:

- Atugarissaarnermut immikkoortortaq piasuartussamik pilersaarut TIKASAAQ, kommunip suliffeqarfiutaani sulisut meeqqanik kinguaassiutitigut imaluunniit timikkut/tarnikkut atornerlutsittoqarsimaneranik pasitsaassinnermi periusissanik allaaserinnittumik pilersitsinikuupput.

- Pisortat najoqqtassiaat sumiginnaaneq, sullissineq aallartineranit naammissinissaata tungaanut qanoq ingerlariuseqassanersoq, sullissinermi eqqummaariffigisassat, inissiinerit malitseqartitsinerillu pillugit ilaatigut allaaserinnittoq, sullissisut sullissinerminni atortarpaat. Pisortanit najoqqtassiaq skabeloninik ilaqarpoq sullissinerup ingerlanerani ilaatigut isumaginninnikkut misissuinermi, pisussanut pilersaarusiordermi, suliniutissanik aallartitsinermi, inissiinermi sullissereernerullu kingorna malitseqartitsinerup nalaani atugassanik.
- Atugarissaarnermut immikkoortortap massakkut pilersaarusiuleruttorpaa sullissinissami systemi nutaap eqqunneqarnissaa, sullissisut saginik suliaqarneranni ajornannginnerulersitsisussamik. Sullissinerup ajunnginnerulernissaa suliallu pitsaassusaasa qaffassarnissaat siunertaavoq.

Unammillernartut:

Naalackersuisut pisortat najoqqtassiaat, inatsimmut 2017-imi akuerineqartumut tulluarsakkat, ukioq kingulleq saqqummiuppaat, taakkualu sullissisut aatsaat sungiukkiartulerpaat.

Kommunip suliffeqarfiutaat skabelonit pisortat najoqqtassiaanun ilaasut atornissaat pillugit pikkorissartinneqarnissaat pisariaqarpoq, skabelonit naammaginangitsumik immersorneqartarmata.

Kommunit suliffeqarfiutaanit killiffissiorluni nalunaarusiat amigaataakkajuttarput, sullissisullu ilaat piginnaasaat annikippallaarnerisa kingunerisaanik naammaginartumik sivilissusilimmik, naammaginartumik pitsaassusilimmik, naammaginartumillu suliarineqartumik sullissineq ingerlassinnaaneq ajorpaat.

Sullissisut piffissaq annertoorujussuaq atortarpaat nunaqarfinnut tikeraarlutik, nunaqarfiit ilaat aaliangersimasunik sullissisoqarneq ajormata, taamaattorli allaffimmiunik naliginnaasunik nalunaarutiginninnernik illoqarfinnut ingerlatitseqqiisussanik taamaallaat peqartarmata.

Maniitsumi Sisimiunilu sullissisutut inuttaliisarneq illoqarfimmi inuttaqassuseq aallaavigalugu agguataarneqarneq ajorput, kisiannili amerlaqatigiimmik agguataarneqarsimallutik Sisimiuni innuttaasut amerlanerugaluartut.

Ullumikkut suleqatigiinneq

- Piasuartumik pilersaarummi, Tikaasami, ilaatigut allaqqavoq ilaqutariinnut siunnersortip meeqqamik sullissisussat qaaqqussagai, kiisalu piasuartumik suleqatigiissitaq ilaatigut napparsimaveqarfimmit, politiinit il.il. inuttaqartoq piasuartumik ataatsimiigiaqqussagaa. Piasuartumik ataatsimiinnerup suleqatigiit tamaasa peqataatissavai, meeraq kinguaassiutitigut kanngutsaatsuliorfigineqarsimasoq atornerlugaasimasoq ikiornissaanut ataqatigiissaarinissaq siunertaralugu.
- Atugarissaarnermut immikkoortortaq kommunillu suliffeqarfiutaat ulluinnarni meeqqamik sullissisut, meeraq nalunaarutigineqartoq pillugu paasissutissanik avitseqatigiinnissaq eqqarsaatigalugu aammattaaq ataatsimiittarput.
- Atugarissaarnermut immikkoortortattaq angajoqqaat, suleqataasullu ataatsimiigiaqqusarpaat, suleqatigiinnerup nukittorsarnissa, periusissatullu periarfissanik ujartuinissaq, periusissatullu pilersaarummi suliassat taakkartorneqartut agguataarinissaat siunertaralugu.

Unammillernartut:

Atugarissaarnermut immikkoortortaq oqaluttuarpoq kommuuniukkajuttartoq kommunip suliffeqarfiutaanik ataatsimeeqatiserinninnerni ataatsimiinnissanut qaaqqusisuunerusarlutik, kommunillu suliffeqarfiutaat qaaqqusinissamut suliniuteqarpiarneq ajortut.

Atugarissaarnermut immikkoortortap kissaatigaa:

- Inatsisip, pisortat najoqqutassiaat kiisalu skabelonit tassunga atasut paasinissaannut sulisunik pikkorissaanissaq, taamasiornikkullu sulinerup pitsaassutsillu qaffassarnissaa siunertaralugu.
- Kommunip nunaqarfiini tamani sullissisoqalernissaq.
- Illoqarfinni inuttussuseq aallaavigalugu sullissisut amerlassusissaanik aaliangersaasarnissaq.

MISI-mit ilanngussat

Ingerlariuseq

- Meeqqat, inuusuttut, angajoqqaat kiisalu suliffeqarfiit MISI-mut toqqaannartumik saaffiginnillutik siunnersortinneqarnissaq ilitersorneqarnissarlup periarfissaraat.
- Meeraq/inuusuttoq immikkut tapersorneqarnissamik pisariaqartitsineranik naliliisoqarpat MISI meeraq aaliangersimasoq pillugu misissuillunilu nalunaarusiortarpoq.
- Kommune MISI-lu allagaateqarfinnut ilioraanermi assigiinngitsunik systemeqarput

Unammillernartut:

MISI-mi sulinermit atortorineqartut soorlu nalunaarusiat, skabelonit il.il. atugarissaarnermut immikkoortortami atortorineqartunit allaanerummata, atugarissaarnermut immikkoortortamit saaffiginnissutit suliarinissaat sivilisunerusarpoq.

Atugarissaarnermut immikkoortortami skabelonit atorineqartut pillugit, MISI ilitersorneqarsimangimmat, noqqaassutigineqarsimagaluartoq suli akissuteqarfigineqarnikuusimangilaq.

MISI-p uggorivaa meeqqat inuusuttullu unammilligaat pisariaqartitaallu matussuserniarlugit neqeroorutit ikippallaarneri.

MISI-ttaaq misigisimavoq atuarfiit ullukkullu ornittakkat piginnaasamikkut sulisoqarnikkullu MISI-mit siunnersuutit ilitersuutillu arlaleriarlutik malinnissaanut annikippallaanik pigisaqartut.

MISI-p uparuarpa meeqqamik inuusuttumilluunniit assersuutigalugu Ilaqutariinnut Kiffartuussivimmut innersuussisinnaaneq ajornarpallaartoq, kommunini sullissisut kisimik Ilaqutariinnut Kiffartuussivimmut MISI-p misissuineranut assingusumik misissueqqaarlutik innersuussisinnaasarmata.

MISI-p unammillernartutut isigaa namminneq kommuunilu assigiinngitsunik allagaateqarfinnut toqqorsinissamut systeminik peqarnertik, sullissisunut MISI-milu sulisunut ajornannginnerussagaluarpat meeqqat inuusuttullu pineqartut pillugit paasisutissat pigisatik iserfigisinnaasuugunikkit. Ullumikkut meeqqat inuusuttulluunniit pillugit paasisutissanik imminnut aallerfiginermi ullorpaaluit utaqeqqaarlutik saaffiginninnerup kingorna pissarsiarisinnaasarmatigit.

Ullumikkut suleqatigiinneq:

- MISI atuarfiit ullukkullu ornittakkat immikkut aaliangersimasumik ataatsimeeqatigisarpat qaammammut marloriarlutik, taakkualu immikkut tamarnik aaliangersimasumik MISI-mut attaveqateqartitsipput.
- Atugarissaarnermut kiisalu Ilinniartitaanermut immikkoortortaq aaliangersimasumik MISI-mik ataatsimeeqateqarneq ajorput, pisariaqaraangalli ataatsimiissinnaasarlutik.

- MISI Maniitsoq piasuartumik suleqatigiissitami Tikaasami peqataavoq, piasuartumillu ataatsimiinnerni ilaasarluni.
- MISI Maniitsoq aammattaaq netværksgruppimi kommunip peqataaffigisaani peqataavoq.

Unammillernartut:

MISI-p erseqqissarppaa Atugarissaarnermut immikkoortorta q ataatsimeeqatiserissallugu ulapinneq kiisalu sulisunik taarseraatsitsineq pequtigalugu ajornakusoortoq.

Misigisimavaat sullissisut peqataannnginnissamik nalunaaratik piffissami isumaqatigiissutigineqartumi peqataannngitsoorsinnaasartut.

Tamaat isigalugu MISI misigisimavoq kommunimi sullissisut attavigissallugit ajornakusoortut, taamaattumillu periuitsit allat atorlugit attaviginninniarnert ingerlassinnaasarlugit, akissummik pinissaq siunertaralugu.

MISI Maniitsoq misigisimavoq netværksgruppimi sulinerup ingerlariaqqinnerullu sinaakkuteqannginnera pequtaalluni iliuuseqarnissaq alloriaqqinnissarlu amigaataasartoq.

MISI-p kissaatigaa:

- Sullissinnermi kommunip MISI-llu akornanni attaveqaqatigiinneq pitsaanerusoq.
- MISI-p ulluunerani ornittakkani suliassai pillugit erseqqinnerusumik ataqatigiissaarineq allaaserinninnerlu, tassami perorsaanerami siunnersortimik MISI-p suliaanut assingusumik sulialimmik atorfilittaqqarmat.
- Meeqqanut inuusuttunullu immikkut pisariaqartitsisunut neqeroorutit amerlanerusut.
- Kommunip skabeloneutaanut MISI-p immersortagassaanut ilisaritsitsineq.
- Kommunip MISI-llu akornani ataqatigiisitsisussamik aaliangersimasumik attaveqaateqarnissaq.
- MISI, Sisimiut piasuartumik suleqatigiissitamut, Tikaasamut peqataalissasoq, tassami meeqqat inuusuttullu pineqartut MISI-p sullitarikkajuttarmatigit.
- Atugarissaarnermut immikkoortorta netværksmødenut MISI-p, atuarfiit ulluuneranilu ornittakkat akornanni ingerlanneqartartumut peqataasalissasoq.
- Sullissineq pitsaanerulersinniarlugu allagaateqarfimmu toqqorsinissamut systemit assigiit.
- Netværksgruppemi sulinerami sinaakkutit ersarinnerusut.

Atuilluartuunissakkut kingunerisinnaasai

Sullissinerup pitsanngorsarnera sullinneqartumut iluaqutaassaaq, sullinneqartorlu eqeersimaarluni ajunngitsumillu inuiaqatigiinnut peqataasinnaaneranik nassataqarsinnaalluni.

Aningaasaqarnikkut allaffissornikkullu kingunerisinaasai

Sullissinerup ingerlariusaanik pitsanngorsaaneq aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Allaffeqarfiup nalilerppaa suleqatigiissitamik suleqatigiinnerup pitsanngorsarnissaanik siunnersuummik, suliassanik akisussaaffinnillu agguataarinnermik, suleriuutsimik, ingerlariuutsimillu erseqqissaasumik suliaqartussamik pilersitsisoqartariaqartoq.

Suliniuummi Inuunerissaarnermi, akimortumik suleqatigiissitanik pilersitsisoqarnikummat allaffeqarfiup innersuussutigaa suleqatigiissiaq 1-imi, Inooqataanikkut Atugarissaarnermik suliaqartup ataanut suleqatigiissitaq nissinneqassasoq.

Meeqqamut/inuusuttumut ilaqutariinnullu iluaqataasussamik assigiimmik anguniagaqarnissaq qulakkeerniarlugu pingaaruteqarluinnarpoq akimortumik suleqatigiinnissaq, aqutsisoqarfiit assigiinngitsut meeppaanik inuusuttunillu sullitaqartut, meeppat inuusuttullu tapersorneqarnissaat pillugu inatsit tamarmik piviusunngortissallugu suliaqarmata.

Suleqatigiiffiit tamaasa qulaajassallugit taamaasioreernerullu kingorna assigiimmik sullisseriuutsimik, susasaqartunik tamanik peqataatitsisumik siunnersuuteqarnissaq suleqatigiissitap isumagissavaa.

Allaffeqarfiutaaq nalilerpaa nipangiussisussaataanerup aqutsisoqarfiit assigiinngitsut pitsaasumik suleqatigiinnissaraluarlallitsigut killilersimaaraa. Pisortat ingerlatsinerat pillugu inatsimmi allaaserineqarpoq, aqutsisoqarfiit assigiinngitsut akunnerminni paasissutissat malussarissut avitseqatigiissutigisinnaagaat, angajoqqaatut akisussaasut tamanna pillugu akuersisimappata. Suleqatigiissitaq nipangiussisussaataaneq pillugu ajornartorsiut pitsaasumik aaqqivigineqarnissaanik ujartuissaaq, suleqatigiinneq meeppamut, inuusuttumut ilaqutariinnullu iluaqataasussamik pitsanngorsarniarlugu.

Innersuussut

Kommunalbestyrelsemut innersuussutigineqarpoq siunnersuut oqallisigeqqullugu aamma

- Aqutsiveqarfiit/immikkoortortat akornanni attaveqatigiinneq pitsanngorsassallugu suleqatigiissitamik pilersitsisoqarnissaa akuereqqullugu.

Aalajangiineq

Ilanngussat

Imm. 4.4 Kajumissaatinik akissarsititsisarneq pillugu oqaluuserisassatut siunnersuut

Journal nr. 51.00

Tunuliaqutaq

Kommunabestyrelsimi ilaasortaq Kirstine Olsen mailikkut e-mailikkut ulloq 30 juni 2021 kommunalbestyrelsemut oqaluuserisassannortitsivoq:

“Siunnersuutigissavara ukiumut atuartut atuarunnaaraangata karakteriginnerpaamut, siuariaatilimmut allatullu malunnaatilimmut nersuiniarluni aningaasanik tunisisarnerit unisinneqassasut, aningaasallu atuarfimmu atuartunut tamanut ataatsimoortitsinermut nuannersumillu inuulluaqqoqatigiitsitsinissamut sammisaqartitsinissamut atugassatut tunniunneqartalissasut.

Tamatumunnga tunngavigaara nersornaatisititsisarnerup atuartunut ataasiakkaanuinnaq iluaqutaasarnera. Assersuutigalugu atuartut 24-uppata, atuartorlu ataasiinnaq akissarsisinnearpat, atuartut 23-t ajorsartutut misigisimassapput, sapinngisannguartillu tamaat ilikkarniaraluarlutik nersorneqannginnerminnut pakatsissallutik. Taamaattumik nuannersumik ataatsimoorussamillu atuartuuneq misigineqassappat, atuarfimmit aningaasat nuannisartitsinermut atorpeqarsinnaanissaannut tutsinneqartalernissaat innersuutigaara. Assersuutigalugu grillereqatigiinnissamut, bussinik attartornermut, allatulluunniit nuannersumik aqqissuussinermut aningaasat atorpeqarsinnaassallutik”.

Maleruagassatigut tunngavigisaq:

Qeqqata Kommuniani karseqarnermut naatsorsuuserinermullu malittarisassat Atuarfik pillugu Inatsisartut inatsississaattut siunnersuut nr. 15, 3. December 2012-imeersoq

Pissutsit atuuttut

Kajumissaatit akissarsititsisarnissaq pillugu aalajangiineq 2017-imit 2021-mut qinersiviusumi Siumut, IA aamma Parti Naleraq akornanni suleqatigiinnissamik isumaqatigiissumik aallaaveqarpoq, maligassanillu isigisartagaqarnikkut aammalu atuartut atuarunnaartussat pitsaasunik karakterinut kajumissaatit akissarsititsinikkut meeqqat atuarfimmu isiginnittaasiannik allannguinnissamik ukkataqartoqarluni. Tamanna ilaatigut pilersaarusionermermi periusissiap 2018-2022 ilaatigullu 2018-imut missingersuutinut aamma ukiunut missiliuteqarfiusunut kajumissaasiilluni akissarsititsinissamut malitassanullu sulinermermi 200.000 koruuninik immikkoortitsisoqarnikkut suliniut malitseqartinneqarpoq.

Allaffeqarfik kajumissaatit akissarsititsisarnerminik agguataarinermut siunnersuummik nassiusaqarnikuvoq, illoqarfimmi atuarfinni pingasuusuni aamma Kangaamiuni Kangerlussuarmilu atuarfinni siulersuisut 40.000 koruuninik, 20.000 koruuninik aamma 10.000 koruuninik agguataarineq pillugu isummatik pillugit eqqartuinerminni nalunaaruteqarnerminnilu aallaviginikuusaannik, siunertanut tullinnguuttunut.

1. misilitsinnerni atuartumut annerpaamik karakterinnattumut
2. atuartumut kammalaataallaqqinnerpaamut
3. atuartumut anguniakkaminik angusilluarsimasumut
4. klassimut atuanngitsoorfiunerpaajunikuunngitsumut
5. elevrådip toqqagaanut ilinniartitsisumut pitsaanerpaamut
6. angajoqqaamut immikkut suliniuteqarnikumut

Ilinniartitaanermut, Peqqinnermut Kulturimut Sunngiffimmullu ataatsimiititaliaq sinnerlugu 2018-imi juunip 15-ani ataatsimiititaliap siulittaasua aalajangiivoq, atuarfinni siulersuisut

tusarniaaffigineqareernerisa kingorna, piumasaqaatialunnguit malillugit atuartunut kajumissaasiissutinik akissarsiasanik tunniussisoqassasoq. Aammattaaq soqutigisaqaqatigiiffinit suliffeqarfinnullu ataasiakkaanit annertuumik tapersorsorneqarpoq.

Inuussutissarsiutilinnit, ataatsimiititaliami ilaasortanit meeqqallu atuarfiinit pissarsiat tikkuarpaat, kajumissaasiilluni akissarsititsisarnerit malitassanik pilersitseqataassasut.

Sulisitsisut (GE) Sisimiuni immikkoortortaarfia 7. klassimi atuartunut kajumissaasiilluni akissarsititsinermik tunniussinissamut nammineq suliniuteqarpoq, tassani ukiuni tallimani ukiut tamaasa ukiumut qarasaasianik angallattakkanik pingasunik atuartunut tunniussisarniarlutik, piumasaqaatinik aalajangersakkanik soorlu piffissamut takkuttarnissaq, napparsimanngiivinnerit ulluniluunniit ikitsuinnarni napparsimanerit il.il. naammassisimagaanni.

Atuarfinni siulersuisut akissuteqaataannik aallaavilimmik, allaffeqarfiup nalilerpaa, agguataarineq tullinnguuttoq atorneqassasoq:

suut	akisussaasoq	akissarsiaq	Aningaasat annertussusaat
Atuartumut soraarummeernermi qaffasinnerpaamik karakterinnattumut Atuartumut soraarummeernermi ikinnerpaanik atuannitsoorfeqartumut Atuartumut soraarummeernermi ... atuarfiup nammineq toqqagaa	Atuarfiit atuartunik soraarummeersitsisarut. Illoqarfinni atuarfinni immikkoortunut pingasuusunut agguaassisassaaq Nunaqarfinni atuarfiit immikkoortumut ataasiinnarmut	Akissarsiaq+diplo mi	Akissarsiasaq ataaseq 3.000
Ukiumi atuartutsialak	Nunaqarfinni atuarfinni sisamaasuni, atuartumut atuannitsoorfikinnerpaamut agguaassisassapput	Akissarsiaq+diplo mi	Atuarfik ataaseq 500 koruunit
Ukiumi klassitsialak	Ukiumi klassitsialammut akissarsiasanik atuarfiit nammineq agguaassisapput, assersuutigalugu klassimut atuannitsoortoqarfiunnginnerpaamut, angajullerni pujortartartoqanngiffiusumut assigisaanullu.	Akissarsiasat aningaasat imaluunniit paasisassarsiorluni angalanissamut imaluunniit klassefestimut assigisaanulluunniit tapiissutit. + diplom	Illoqarfinni atuarfinnut tamanut 10.000 koruunit Kangerlussuarmut 4.000 koruunit, Kangaamiunullu 2.000 koruunit.
Ilinniartitsisutsialak	Illoqarfinni atuarfinni pingasuusuni atuartut siunnersuisooqatigiivi atuarfinni tamani ilinniartitsisumik ataatsimik, nunaqarfinnilu	Tunissutissatut koori + diplom	Tunissutissatut koorimut ataatsimut 1.000 koruunit

	atuarfinni atuartut siunnersuisooqatigiivini ataatsimik, ilinniartitaanermut pisortanut innersuussissapput		
Ukiumi klassisialammi angajoqqaanik annertunerpaamik pimoorussisulinnut	Atuarfiit siunnersuutaat aallaavigalugit, borgmesteri ataatsimiititaliamilu siulittaasoq aalajangiissapput	Akissarsiassat aningaasat imaluunniit paasisassarsiorluni angalanissamut tapiissutit + diplom	25.000 kr.
Maligassiuusunut kiisalu kommunimi angalanernut			100.000 kr.

Ilinniartitaanermut, Peqqinnermut Kulturimut Sunngiffimmilu ataatsimiititaliap agguataarineq akuersissutigivaa.

Meeqqat atuarfii akissarsianik agguataarineq pillugu misilittagaat naliliinerilu pillugit tusarniaaffigineqarnikuupput.

Minngortuunnguup Atuarfia:

Agguaqatigiisitsinermi qaffasinnerpaamut atuannngitsuunnginnerpaanullu akissarsititsineq atuartut akornanni sinnganermik kinguneqarneranik atuarfiit misigisimanngilaat. Atuarfiit ajorsartutut misigisimalluni atuartut tunuarsimaarnerannik misigisaqarnikuunngillat.

Atuurtumut immaqa siuariaateqarujussuarsimasumut imaluunniit ikinngutaalluarsimasumut ilinniartitsisoq akissarsiassamik tunniussisuunera aamma pingaaruteqartuuvoq. Aningaasat tigugaanni aaqqissuussamullu allanulluunniit ataasiinnarmut agguaallugit, taava immikkut ittuunerannik atuartut paasinninnaviannngillat, taamaallat tassaniiginnartussatut isigissallugu. Soorlu atuagaq allaluunniit tamanut tunniukkaanni. Taava sunniutaarutissaaq.

Nalunnguarfiup Atuarfia:

Atuarfik siusinnerusukkat taamatut eqqartuinikuuvoq. Ilaatigut akissarsiassat annertuujupput akissarsiassanillu atuartut amerlanerusut pissarseqataagunik pitsaanerusumik aaqqiinertut isigineqassaaq. Taamaattumik akissarsiassat klassimut akissarsiassatut imaluunniit atuartoqatigiinnut tunniunneqartarnissaat, akissarsiamik ataatsimoorlutik qanoq iliuuseqarsinnaallutik, assersuutigalugu klassimut, ukioqatigiinnut trinnimulluunniit arlaannik pisinissaq NA tapersorsorpaq.

Atuarfik Kilaaseeraq:

Atuarfik Kilaaseeraq isumaqarpoq, kajumissaatitut akissarsititsisarneq ileqqusoq pitsaasoq ingerlaannartariaqartoq. Kajumissaasiilluni akissarsititsisarnermik ingerlanermi ajoquteqarlunilu pitsaaquteqarpoq.

Pitsaaqutit ukuupput:

- Atuartut pitsaanerusunik angusaqarnissaanut kajumissusermik pilersitsineq
- Sulianut oqariartaatsit assigiinngitsut aammalu suliamut qanoq ililluni pitsaanerulersinnaanerup akornanni attaveqatigiinnerulernermik/oqaloqatigiinnerulernermik pilersitsineq.
- Nutaaliortumik ineriartornermut ilinniartitaanermut systemini tamani unammilleqatigiittoqartuaannassaaq.

- Soraarummeerneq ilinniartitaanermut systemini ilaajuaannartillugu, ilinniartut akornanni unammilleqatigiittoqartuaannassaaq.
- Qeqqata atuartuutai nunasuarimi unammillertartornissamut piareersarneqassapput.
- Kajumissaatit akissarsiat meeqqani/atuartuni kajumittuunissatsinnut aammalu meeqqat/atuartut ajunngitsortaasa takunissaanut ilinniartissavaatigut
- Ilinniartitsisut atuartunut ataasiakkaanuinaangitsoq klassimi atuartunik tamanik nersuaalarisarlutik kajumissarisarlutillu aallartipput
- Meeqqat/atuartut atuartup kajuminnissaanik ikiuutaasumik akissarsiassaqqarp, suliatigut pitsaanerulersinnaallutik allanut takutitaqarnikkut inuttut ineriartussapput.

Ajoqutit:

- Atuartut ataasiakkaaginaat akissarsitinneqarnerat pissutigalugu immikkoortitaasutut misigisimasinnaanerit
- Atuartut ilaasa kajumissaatit isiginaviangikkaat taakkunungal "kajumissaataangitsutut" issinnaalluni (kisianni, oqartoqangajassinnaavoq, nul procentimiitq)
- Kajumissaatinut akissarsiamut inersimasut ajortumik isiginnittaateqartut kisimik pisumi meeqqat/atuartut eqqugaasutut misigisimalernissaanut sunniisinaapput.

Qinguata Atuarfia:

Qinguata Atuarfia isumaqqarpoq, akissarsiat tamanut iluaqutaassasoq aammalu ingerlanneqassasoq isumassarsiatsialaasoq.

Kangaamiut Atuarfiat:

Atuartut angajoqqaallu nunaqqataasullu assut toqqaasarneq nuannaarutigisarpaat. Atuaqataasut takusinnaareertarpaat kina atuartutsialattut piukkunnarnersoq. Ilinniartitsisut toqqagaat, atuartut aamma ilimagereertarpaat kikkut atuartutsialanngulernersut.

Ukioq manna angajoqqaq oqaluttuarpoq, qujasimagaluarluni kiisami meeqqani atuartutsialattut toqqaagaalinngissoralugu, allat aamma toqqarneqarniassammata.

Atuilluartuunissakkut kingunerisinnaasai

Kajumissaarutit akissarsiassat aamma maligassiuisunik pilersitseqataasinaapput. Kisianni aningaasannorlugu akissarsititsinissami annertuallaamik ukkataqarneq imminuinaq eqqarsaatiginermik arlalikkaarluniluunniit naqisimanninnermik kajumissuummik ilutsumik pitsaanngitsumik pilersitsisinaavoq.

Aningaasaqarnikkut allaffissornikkullu kingunerisinnaasai

Akkuersissuteqarnermi kajumissaatit akissarsiassanut malitassanullu 200 t-it atuiffimmut ataatsimoorussamut 51-01-00-35-17 inissinneqarput. Atuiffimmi tassani malitassanut 100 t-it inissinneqarput. Prisme-mut ikaarsaarnermi aningaasat tamarmik atuiffimmut 571030200-0302010000-01500-122120100 inissinneqarput.

Allaffeqarfiup naliliinera

Qingaaffimmi nutaami meeqqat atuarfiannut suliniutit imminnut attuumassutilinnik suliaqarneq ingerlaqqissaaq, tassani atuarfimmu ataqqinninnerup qaffassarnissaa, meeqqat atuarfiannik naammassinninnissaq /ilinniartoqarfimmut ingerlaqqittartut amerlanerunissaat il.il. ukkatarineqarluni.

Qeqqata Kommunia atuartunut akissarsiassanik tunniussisarnermik unitsitsissappat periutsimilluunniit allannguissappat, taava allannguutissatut siunnersuut atuarfinni siulersuisuni tusarniaareernerup kingorna ilanngunneqassaaq. Ukiup klassitsialaanut, ukiumi

ilinniartitsisutisialammut, ukiumi klassi angajoqqaanik akuutitsinerpaamut akissarsititsisarnerup piffissami tassani aamma kommunalbestyrelsi nalilersueqqittariaqassaaq.

Innersuussut

Kommunalbestyrelsimut akuereqqullugu innersuussutigineqarpoq,

- kajumissaatinik akissarsititsisarnermik nalilersueqqinneq pilersaarusiormut periusissiami nutaassami suliaqarnermut atatillugu pissasoq
- suliaq ilinniartitaanermut ataatsimiititaliamut nassiunneqassasoq

Aalajangiineq

Ilanngussat

1. Imm. 07 Meeqqata atuarfianni maligassiuisunut kajumissaatitullu akissarsiassat. Ilinniartitaanermut Peqqinnermut, Sunngiffimmi sammisassanut Kulturimullu ataatsimiititaliap ataatsimiinnera 06/2018

Imm. 4.5 Qeqqata kommune-ani innuttaasut imminortarnek pillugu oqallitalernissaannut siunnersuut- Abel Enoksen-imiit (N)

Journal nr. 48.02.00

Tunuliaqutaq

8 juli kommunalbestyrelse-imi ilaasortaq Abel Enoksen (N) kissaatigisimavaa inuusuttut imminortarnermut pillugit suut Qeqqata Kommunua sulissutigisarneraat, pingaartillugu nunaqarfimmi illoqarfinnilu pinaveersartitineq annertusisariaqartoq.

Qeqqata kommune-ani innuttaasut imminortarnek pillugu oqallitalernissaannut una siunnersuut aallaaveqarpoq, inuttut eqqugaasimaneq ilaatigut qanigisat ikinngutit nunaqqataasut kiisalu susassaqtut tamarmik eqqugaasarnerat pissutigalugu siunniussaavoq. Qaqilerneqartariaqartorlu politikkikkut qaqitsisup kissaatigaa.

Maleruagassatigut tunngavissat

Peqqinnissaqarfiup aquneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersumi § 5 *Pinaveersaartitsinermut ataatsimiititaliat*

Qeqqata Kommuniani - Siumut – Inuit Ataqatigiit – Atassut
Tunngaviusumik suleqatigiinnissamik isumaqatigiissutaat 23.04.2021-meersoq

Suleqatigiinnissamik isumaqatigiissut: -Peqqinnissaqarfiup aamma Qeqqata kommuniata akornanni 2019-imiit 2023 tikillugu atuuttoq

Pissutsit atuuttut

Qeqqata kommunia angalaartunik pinaveersaartitsineq eqqarsaatigalugu pilersitsisariaqartoq, taamaalilluni eqqugaasimasut oqaloqateqarnissaannik kiisalu tarnikkut pitsaasumik angusaqarnissaannik periarfissikkumallugit.

Imatullu siunnersuut ingerlatikkusunneqarpoq, susassaqtut pinaveersaartitsinikkut, kiisalu Qeqqata kommunia qinikkanik peqataasoqarluni ingerlanneqartarnissaa.

Imminut toqunnissamik pinaveersaartitsineq Atugarissaarnermut immikkoortortaqarfimmi suleriuserineqartarpoq Politiit Peqqinnissaqarfillu suleqatigalugit, imminut toqunnissamik eqqarsaateqartunut imaluunniit ernumanartumik nalunaaruteqartoqarneratigut, sullissineq pinartutut erngertumik aallartitarpoq.

Innuttaasunik sullissisut imminut toqunnissaminnut ulorianartorsiortunut sullissinissamut pikkorissarneqartarput, sullisseriaatsit assigiinngitsut atorlugit pikkorissaaneq ingerlanneqartarpoq, ThinkInuk oktober 2019-imi imikkoortoq siulleq pikkorissarfigineqarpoq, nunaqarfinnullu siammerterneqartarluni Pitsaaliornermi siunnersortiniit. Namminersorlutik Oqartussaniit pikkorissaanerit ingerlanneqartarput assigiinngitsutigut imminut toqunnissamik pinaveersaartitsinissaq anguniarlugu.

Pikkorissarnerit assigiinngitsut ingerlanneqareernerisa kingorna ikiuiguasuarnissamut upalungaarsimasunik pilersitsisoqarpoq, innuttaasunut atorluarneqartunik. Ikiuiguasuartussatut piareersimasut immikkoortortaqarfiit akimorlugit inuttalersugaapput.

Naalackersuisut sulinerat ingerlaannarpoq

Naalackersuisut imminut toqunnissamik pinaveersaartitsinermut periusissamik nutaamik suliaqarput. Taanna Naalackersuisut siusinnerusukkut imminut toqunnissamik pinaveersaartitsinermut suliaasaqarfimmi suliarisimasaannik nalilersuineramik tunngaveqarpoq. Periusissami nutaami imminut toqunnissamik pinaveersaartitsinermut suliniutit nunaqqatigiinni pisut aamma pisariaqartitat aallaavigalugit ineriartortinneqarnissaat pingaarnertut ukkatarineqassapput. Periusissiap nutaap ineriartortinneqarnerani innuttaasunut, inuusuttunut utoqqaanerusunullu ornigulluni, taakku tarnikkut peqqinnerulernissap anguneqarnissaannut qanoq sulinissatsinnut naliliinerat isumassarsiaallu ukkatarineqassapput.

Ikiortariaqartut periarfissaat:

Imminut toqunnissamik eqqarsateqaruit nikallugallutilluunniit oqaloqateqarnissamik pisariaqartitsiguit, siunnersuisarfik Tusaannga aqqutigalugu ikiorneqarsinnaavutit

- Telefon: 80 11 80.
- Ammasarfii:
- Ataasinngorneq - sisamanngorneq 09:00 – 22:00
- Tallimannorneq 09:00 – 04:00
- Arfininngorneq 16:00 – 04:00
- Sapaat 16:00 – 22:00
- SMS atorlugu aamma siunnersorneqarnissat periarfissaavoq. Aajuna normu 1899.

Suleriuseq atuuttoq:



Qeqqata Kommunia iliuusersaat nutaat 2021-imi atuutilertut atuutilertussallu:

1. Ilaqtariinnut sullissivik katsorsaanik sulisoqalernissaa akuerineqarpoq, massakkullu sulisussarsiortoqarpoq suli marlunnik, marlunilli sulisoqalereerpoq.
2. Pitsaaliornermut siunnersortit nuunneqarnissaat suliarineqarpoq akuerisassatut kommunalbestyrelse-imiit. Nuunneqarnissat siunertaavoq pinaveersartitineq nukkassaniallugu ilinniartitaarnermut sunngiffeqarfillu a6taatsimuulissapput.

Immikkoortortaqarfik nutaassaaq suliaasaat pingaarnertit ilarissavaat: Qeqqata Kommuniata suliniutaa “Inuunerissaarpoq – Det gode liv” suleqatigiit assigiinngitsuninngaanniik ingerlanneqarput. Suliffeqarfiit suliniummut peqataasut tassaallutik:

Kommunip allaffissuani sulisut, kommunip suliffeqarfiutaani sulisut (meeqqereqarfiit, atuarfeqarfiit aammalu MISI - Meeqqat inuusuttullu pillugit siunnersuisarfik) napparsimmavimminngaanniillu.

Suliniutip siunertaasa ilagivaat qanimut suliffeqarfinni suleqatiginneq sulianillu malitseqartitsineq, angajoqqaat attaveqaataasullu akuutinneqarnerunerisigut aammalu peqqinnartumik sammisassaqaarfiusumillu ukioqqortusiartorneq qitiutillugit ingerlanneqarpoq.

Qeqqata Kommunua Meeqqat pisinnaatitaaffiit suliffeqarfimmit innersuussutit meeqqat pitsaasumik inuuneqarnissaanik, aammalu utoqqaat inuunerisa pitsaassusaasa kinaassusaasalu paariinnarneratigut kiisalu innuttaasut allat assigalugit innuttaasut innarluutillit ataqinartumik inuunerisa qulakkeerneqarneratigut anguniagalimmik suliaqarpoq.

Atuilluartaunissakkut kingunerisinnaasai

Ukiuni kingullerni innuttaasut akornanni annertuumik pinartumik ilimaginngisamillu nalaataqarnerlunnermi tarnikkut innuttaasunut ikiuigasuarneq tapersersuernerlu upalungaarsimasuniit ingerlalluarnikuvoq aammalu innuttaasut kingulerlutsitsinissaraluamik annertumik pinaveersaartitsinermik kinguneqarluarsimalluni, tamannalu pillugu ingerlatiinnerneqarnissaa atuilluarnerulluni.

Aningaasaqarnikkut allaffissornikkullu kingunerisinnaasai

Maniitsoq:

Atuiffik	Taagutaa	Budget	Sinneruttut	Atukkat %-lungit
552020201-1101010000-122070300-010570	Kriseberedskab	63.147	4.471	84,9 %

Sisimiuni immikkut budgeteqanngilaq. Misilittakkat takutippaa immikkut kriseberedskab aningaasalerneqarnissaa pisariaqartitiartortoq sippuisoorneri pinaveersaartinneqassappata. Angalanerit nunaqarfinni immikkut aningaasaliinertaqanngillat massakkuugallartoq familiecenteriniit aamma konto allaniit aanganerit isumagineqartarput, immikkut misissugassatut inissinneqarpoq. Ilinniartitseqqinnissaq pisariaqassaaq sulisut taarserarneri pissutigalugit.

Allaffeqarfiup naliliinera

Atugarissaarnermut Immikkoortortaqarfik naliliipput. Qeqqata kommuniani assigiimmik innuttaasunut neqerooruteqartarnissaq pillugu ukiuni kingullerni suligasuartartussanut pikkorissaanerit ataavartumik ingerlanneqartartut. Qeqqata kommuniani upalungaarsimasut annertuumik Atugarissaarnermut immikkoortortaqarfimmut oqilisaataasimapput aammalu innuttaasunit tarnikkut ikiorserneqarnissaminnik tapersersorneqarnissaminnillu pisariaqartitsisimasut oqariartuutigaat oqaloqatiginninnerit malitseqartitsinerillu iluaqutigisarsimallugit aammalu neqeroorutigineqartoq qujamasuutigineqarluni. Katsorsaasunik sulisoqarlerneq ilaqaariinnut sullissivimmut nukissanik aamma sakkussanik nutaajusunik isertitinissaq naatsorsuutigineqarpoq. Pitsaaliornermi siunnersortit nuunnerannut suliniutit annertuut kivinneqarluarnissaat naatsorsuutigineqarpoq.

Innersuussut

Atugarissaarnermut Immikkoortortaqarfik kommunalbestyrelse-imut innersuussutigivaa akuereqqullugu

1. Qeqqata kommune-ani innuttaasut imminortarneq pillugu eqqartorneqariarluni alloriarneq tullia suussanersoq aliangiineqarpoq.

Aalajangiineq

Ilanngussat

1. Siunnersuutip aappaa 26.07.21
2. Grønlands Politi – andre sager (statistik 2016-2020)
3. Qeqqata Kommuniani ikiuigasuarmissamut upalungaarsimasut – januar 2021

Imm. 4.6 Oqaluuserisassatut siunnersuut – Qaqqatoq takornarissat ornittagaattut.

Journal nr. 73.15

Tunuliaqutaq

Kommunalbestyrelsimi ilaasortaq Abel Enoksen 2021-mi juulip 26-ani mailikkut allagaqartuni kommunalbestyrelsimi oqaluuserisassatut siunnersuuteqarpoq.

“Qeqqata kommunia-ni takornariaqarnikkut inerisaaqqinnissaq eqqarsaatigalugu, Siunnersuutigerusuppara qaqqatoqqap takornariaqarfinngorsinnaanera.

Qaqqatoqqaq itillip kangerluaniippoq eqalugaarsunniik qummut aqqusinersuaqarluni. Qaqqatoqqaq takornariaqarfiit qeqqata kommuniani anginerpaat ilagilersinnaavaat, periarfissat tassani arlallit atorluarneqarsinnaallutik.

Aasaanerani umiarsuit itillimut tikittartut, eqalugaarsunnut ingerlaqqaartalernissaat periarfissat ilagaat, taamaalilluni aningaasat amerlanerusut isaatinnissaannut QK-ia periarfissagissaarnerulissalluni, takornariaqarnermilu suliaqartut aamma isaatitsiffigilluarsinnaasaannik ammaassissalluni.

Umiarsuit itillimut tikittartut akisussaasui oqaloqatigineqassapput, takornarissat nutaamik periarfissikkumallugit una siunnersuut qanoq isumaqarfigineraat.

Qaqqatoqqaq kiisalu aqqusinersuup aallartiffia tupersimaarfissanik periarfissaqarluarpoq, tasersuarnillu fiskestangerfiusinnaasunik peqarluni.

Qeqqata kommunia aningaasaqarnikkut pitsaasumik ingerlalluassappat, aamma takornariaqarnikkut periarfissat ilaatigut una qaqilertortariaqartoq isumaqarpunga.

Qaqqatoqqamut aqqusinersuaq annertunngitsunik iluarsartugassaqarpoq, tamannalu aningaasarpassuit atunngikkaluarlugit iluarsartuunneqarsinnaalluni.

Aningaasaqarnikkut pitsaasumik una siunnersuut ingerlasinnaasooq takorloorsinnaavara, innuttaasut nunaqavissut sullissilluarsinnaasut pigeriikkagut atorluartariaqarpagut”.

Maleruagassatigut tunngavigisaq:

Nunami inuussutissarsiutinut tunngatillugu inuussutissarsiornermik siuarsaneq pillugu Inatsisartut inatsisaat nr. 20, 3. december 2012-imeersoq

Pissutsit atuuttut

Qaqqatoqqaq takornarissat ornittagaattut tulluarterujussuuvoq, ullumikkullu juulip/aggustip qaammataani ingerlanneqakkajuttumik ukiumut ataasiarluni pisartumik nammineq kajumissutsiminnik mountainbike-rtitsisartut arpatsitsisartullu atortareerpaat. Immikkoortorli inissisimanermi aamma pitsaasumik sissaqarnerminik tikikkuminarnermi aamma Qaqqatoqqap qaavanut aqquteqarnermi malitsigisaanik annertunerujussuarmik atorneqarsinnaavoq.

Atuilluartuunissakkut kingunerisinnaasai

Nunatta immikkoortuani takornarissanik agguarisoqarsinnaammat Destination Arctic Circle amerlanerusunik takornarissanut ornitassalerlugu ineriartortinnissaa atuilluartuuneruvoq. Maniitsoq arfernik alakkarterisarfit aammalu Apussuit nunataat, Sisimiut eqqaani Aqqutikitsoq ukiukkuunerusoq atorneqartartut aammalu Kangerlussuup Sisimiullu akornanni aqqusinissaq.

Aningaasaqarnikkut allaffissornikkullu kingunerisinnaasai

Qaqqatoqaaq takornarianut tikitassatut suliariniarlugu atortussanik suliaqartoqassaaq aammalu qaavanut aqqusineq pitsanngorsarneqassaaq, taakku aningaasaqarnikkut kinguneqarsinnaapput kisianni Qaqqatoqaaq nunataanut takornarissat amerlanerulernissaat iluatsissappat iserteqqinneqarsinnaapput.

Allaffeqarfiup oqaaseqaatai

Qaqqatoqaaq takornarissanut tikitassatut ineriartortinneqarnissaata siunnersuummik Arctic Circle Business-imik nunap immikkoortortaani takornariaqarnermik periusissamik (Destination Arctic Circle) suliaqareersumik suleqateqarluni pilersinneqarnissaa pissasoq kissaatigaarput, aammalu immikkortumik nittarsaassinissamut aningaasanik immikkoortitsisoqassasoq. Qeqqata Kommunian takornariaqarnerup ineriartortinneqarnissaa pillugu ACB-mik suleqateqareerpoq, tassani www.arcticcircle.gl aamma www.investin.gl aqqutigalugu ilaatigut Kangerlussuarmut, Sisimiunut aamma Maniitsumut nittarsaassisoqarluni kiisalu nunaminertat attuumasut ilanngullugit nittarsaassisoqarluni.

Innersuussut

Allaffeqarfiup kommunalbestyrelsimut innersuussutigaa

- Kommunalbestyrelsimi ilaasortamit Qaqqatoqaaq takornarissanut tikitassatut siunnesuutaa eqqartorneqassasoq
- Qaqqatoqaaq takornarissat tikitassaattut Arctic Circle Business-ip ilanngutissagaa, aammalu periarfissanut nittarsaassisoqassasoq

Aalajangiineq

Ilanngussat

Imm. 4.7 Uddannelsesrådimik (Ilinniartitaanermut siunnersuisooqatigiinnik) pilersitsisoqarnissaa pillugu siunnersuut

Journalnr. 01.05

Tunuliaqutaq

Kommunalbestyrelsimi ilaasortaq Kirstine Olsen kommunalbestyrelsip tullissaani ataatsimiinnissaanut mailikkut oqaluuserisassatut siunnersuummik nassiussaqaqarnikuvoq. *“Siunnersuutigissavara Naalackersuisut ilinniartitaanermut periusissiaat piviusunnngortinniarlugu Qeqqata Kommuniani uddannelsesrådemik pilersitsisoqassasoq. Tassani Ilisimatusarfik, Atuartitaanermut immikkoortortaqaarfik, Atuartitaanermut ataatsimiisitaliaq, Atuarfiillu qanimut suleqatigiisinnegassallutik. Siunnersuummut tunngaviuvoq PhD-nngortup Mitdlarak Lennertip misissuinerata takutimmagu, atuarfeqarfinni tamani nakkutilliinermi aallunneqartartut takutimmassuk, atuarfeqarfiit ingerlanneqarnerat ineriartortitsinerum tunngassuteqarnani atuarfinnik ingerlatsinerum tunngassuteqartoq, tamannalu atuartitsinerup imarisaanik tunngaveqanngitsoq. Tamanna pillugu naalackersuisut ilinniartitaanermut periusissiaannik piviusunnngortotsinissaq anguniarlugu, atuartitaanerup imaanik pitsannngorsaanissamut, pitsaassutsimillu qulakkiikkamik ilinniartitsinikkut aaqquussuussaaneq anguniarlugu uddannelsesrådimik Qeqqata kommunia peqalertariaqarpoq”.*

Maleruagassatigut tunngavigisaq:

Atuarfik pillugu Inatsisartut inatsisaat nr. 15, 3. December 2012-imeersoq

Pissutsit atuuttut

Atuarfik pillugu Inatsisartut inatsississaattut siunnersuut nr. 15, 3. December 2012-imeersumi § 36 naapertorlugu atuarfiup ingerlanneqarneranut ineriartortitsinerumik sulianut kiisalu nalilersuinerumik suliasanut pisussaapput, Kommunalbestyrelsilu kommunimi atuarfeqarfimmut pingaarnertut akisussaasuulluni aammalu kommunimi meeqqat atuartussaataitasut tamarmik meeqqat atuarfiannut allatsissimanersut atuartitaanersulluunniit nakkutigissallugu, meeqqat atuarfinni nalinginnaasumik piunasaqaataasumik anguniakkani allassimasuni. Atuarfiit sulineranni anguniagassat sinaakkutissallu Kommunalbestyrelsip aalajangersassavai. Kommunalbestyrelse atuarfiit sulinerannik ingerlaavartumik nakkutilliisuvoq, tassunga ilanngullugit Inatsisartut inatsisaanni aalajangersakkanik atuarfiup malitsitsineranut tunngassutilinnik.

Naalackersuisut Ilinniartitaanermut pilersaarutiminni II-mi tullinnguuttutigut suliniuteqarpoq:

- Ingerlaqqiffiusumik ilinniagaqartarnerumut tunngavissat pitsaanerusut
- Qarasaasialerinikkut ilisimasaqarneq aamma teknologimut paasinnittarneq
- Meeqqat atuarfiannut inatsimmik iluarsaaqqinneq
- Pitsaassutsit aamma atuarfiup ineriartortinneqarnera pillugu meeqqat atuarfianni suliaqartut akornanni suleqatigiinnerup nukittunerunissaa
- Meeqqat atuarfianni ilinniartitsisut piginnaasaannik ineriartortitsineq
- Oqaatsinik pissarsiaqartarnerumik nukittorsaaneq
- Immikkut atuartitsisarneq aamma peqataatitsineq
- Atuakkanik naqiterisitsisarnermi periusissiaq
- Atuartut angerlarsimaffiat

Ilinniartitaanermut, Kultureqarnerumut, Timersornerumut Ilageeqarnermullu Naalackersuisoqarfik kommunit tamarmik, naalackersuisoqarfiup aamma ilinniartitaanermut aqutsisoqarfiup ilaasortaaffigisaannik 2021-mi ilinniartitaanermut oqalliffimmik ingerlaavartussamik pilersitsinikuvoq. Ilinniartitaanermut pilersaarummit malitseqartut suliniutit arlaqarput aammalu ilaatigut ilinniartitaanermut aqutsisoqarfimmit naalackersuisoqarfimmiilluunniit

ataqatigiissaarneqartunik nalilersuineramik ineriartortitsinermillu suliniutinut tamalaanut kommunit peqataapput.

Ilinniartitaanermut oqallittarfimmi Ilinniartitaanermut pilersaarummit innersuussutinit malittaasunik pilersaarutitik suliniutinillu sulineramik malitseqartitsisoqarpoq. Qeqqata Kommunian taakku saniatigit naalakkersuisoqarfik peqatigalugu meeqqat atuarfiat pillugu periusissiamik suliaqarnermut tunngasunik sammisaqartitsilluni workshopertitsinissamik pilersaaruteqarpoq.

Pilersaarutaasut covid-19 pissutigalugu unitsikkallarneqarput, aammalu covid-19-imik pisoq iluatsiimeriarpat ingerlanneqassasoq naatsorsuutigineqarpoq. Maannakkut workshopit marluk ingerlanneqareerput, ataaseq Kommune Kujallermi ataaserlu Kommuneqarfik Sermersuumik, aammalu workshopit taaneqartuni kommunit tamarmik peqataareerpata periusissiasamat ingerlanissamik naalakkersuisoqarfik takkussaqaassasoq pilersaarutaavoq.

Atuilluartaunissakkut kingunerisinnaasai

Kalaallit Nunaanni meeqqat atuarfiannik ineriartortitsinissaq pillugu ilinniartitaanerup silarsuaata iluani suliaqartut attuumassuteqartut tamarmik suleqatigiinnissaat atuilluartauneruvoq.

Allaffeqarfiup naliliinera

Ilinniartitaanermut oqallittarfimmi ataavartumi pilersinneqaqqammersumi kommunip peqataanera ilinniartitaanermut siunnersuisoqatigiinni siunnersuutaagaluartunisut sunniuteqassasoq nalilerneqarpoq, taamaattumillu kommunimi ilinniartitaanermut siunnersuisoqatigiinnik pilersitsinissaq allaffeqarfimminngaanniit innersuussutigineqanngilaq.

Innersuussut

Kommunalbestyrelsimut innersuussutigineqarpoq

- Siunnersuutip siunertaanik matussusiisumik nuna tamakkerlugu ilinniartitaanermi oqallittarfimmik aammalu periusissiamik suliaqarnermi Qeqqata Kommuniata peqataanera tapersorneqassasoq
- Mitdlarak Lennert ph.d-nngorniutiminik allaatiginninnini pillugu kommunalbestyrelsimut saqqummiinissamat aggersarneqassasoq akuersissutigineqassasoq

Aalajangiineq

Ilanngussat

Imm. 4.8 Ungusiviup qaavani aqquserngit aqqi

Journalnr. 00.25.02

Tunuliaqutaq

Ungusiviup qaavani aqquserngit atersorneqartussaapput. Tassunga atatillugu februar/marts 2021-mi Pilersaarusernermut immikkoortortaq Qeqqata Kommuniata Facebookkiatigut aamma Nipi Avisi aqqutigalugit Maniitsumi innuttaasunit siunnersuutinik pissarsiniarnikuuvoq.

Maleruagassatigut tunngavissat

Aningaasaqarnermut Nunamullu Namminermit ministeriaqarfik: Kalaallit Nunaanut aqqusernit atiinik qitiusumik nalunaarsuiffimmit (CPR) Kalaallit Nunaanut nalunaarut. Suliap mormua 2018-473, Allak. normua 543153, Ulloq 27-09-2018.

Pissutsit atuuttut

Nunap assingani ilanngussaq 1-imi takuneqarsinnaasut, Ungusiviup qaavani aqquserngit tallimaasut atserneqarnissaat amigaataavoq. Siunnersuutit tiguneqartut ilanngussaq 2-tut ilanngunneqarput.

Atuilluartuunissakkut kingunerisinnaasai

Soqanngilaq.

Aningaasaqarnikkut allaffissornikkullu kingunerisinaasai

Soqanngilaq.

Allaffeqarfiup naliliinera

Maniitsumi TAI-ip innersuussutigaa siunnersuuteqartut ilaannit siunnersuutigineqartoq ullorissanut "Asaluusat"-nut assingunera aallaavigalugu ullorissat taaguutaannik aqquserngit tullinnguuttuni ima ateqalissasut:

- Vej 1: **Asaluusat** (Karlsvognen)
- Vej 2: **Siattut** (Orions bælte)
- Vej 3: **Qaasiut** / **Ullup Malittaa** / **Malittaa** (planeten Venus)
- Vej 4: **Qiluttuusat** (Syvstjernen)
- Vej 5: **Aassuutit** (Altair aamma Tarazed)

Allaffeqarfiup innersuussutaa

Pilersaarusernermut immikkoortortap Teknikkeqarnermut Avatangiisinullu ataatsimiititaliamit kingusinnerusukkullu Kommunalbestyrelsimit aalajangigassanngorlugu innersuussutigivaa, aqquserngit atiisa sorliit Ungusivimmi sumiiffinnut taaguutaasanersut.

Teknikkeqarnermut ataatsimiititaliap suliamik sularinninnera

Teknikkeqarnermut ataatsimiititaliap julip 28-ani 2021 ataatsimiinnermini suliaq sularivaa kommunalbestyrelsimullu innersuussutigineqartut aalajangigassanngorlugit ingerlatillugit.

Innersuussut

Teknikkeqarnermut ataatsimiititaliap kommunalbestyrelsimut isummerfigisassanngorlugu innersuussutigivaa:

- immikkoortoq tamarmiusoq 'Ungusiviup qaava'-nik ateqartinneqassasoq, imaluunniit;

- immikkoortumi (Aqqusineq 1) nassuiaatigineqartumik immikkoortoq ilisarsnaaserlugu siunnersuut "Asaluusat" (Karlsvognen) malillugu ullorissat sammisaralugit aqquserngit atserneqassasut, kiisalu aqqusineeqqat tlinnguuttut:

- Aqqusineq 1: **Asaluusat** (Karlsvognen)
- Aqqusineq 2: **Siattut** (Orions bælte)
- Aqqusineq 3: **Qaasiut / Ullup Malittaa / Malittaa** (planeten Venus)
- Aqqusineq 4: **Qiluttuusat** (Syvstjernen)
- Aqqusineq 5: **Aassuutit** (Altair og Tarazed)

imaluunniit

- Utoqqaat illuannit Neriusaamit siunnersuutit malillugit aqquserngit atserneqassasut
 - Aqqusineq 1: **Asaluusat**, Nunap assingani aqqusineramik nalunaaqqanera aappalaartuusoq ullorissanut Karlsvognen assingummat.
 - Aqqusineq 2: **Qattuneralak**
 - Aqqusineq 3: **Qaava**
 - Aqqusineq 5: **Iliveqarfiup Qaqqaa**

Aalajangiineq

Ilanngussat

1. Aqquserngit pillugit nunap assinga
2. Siunnersuutit tiguneqarnikut

Imm. 6.1 Borgmesterip aalajangiinera - Kommunalbestyrelsimi qinikkatut killiligaanngitsumik sulinngikkallarnissamik qinnuteqaat – Malia Larsen Rosing

Journalnr. 01.01.03

Tunuliaqutaq

Kommunalbestyrelsimi ilaasortaq Malia Larsen Rosing peqqissutsini tunngavigalugu piffissaligaanngitsumik kommunalbestyrelsimi ilaasortatut sulinngikkallarnissani 12. juli 2021 mailikkut qinnuteqaatigivaa.

Maleruagassatigut tunngavissat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersoq § 54 ima allassimavoq:

Imm.1 Ilaasortaq qinigaaffiup iluani kommunalbestyrelsimi tunuarniarluni qinnuteqarpat, qinnuteqaat taamaattoq qanoq kinguneqartinneqassanersoq kommunalbestyrelsip aalajangissavaa.

Imm. 2. Qinnuteqaat ilaasortap peqqissusaata qanoq issusianik tunngavilersorneqarpat, sulianik assigisaanilluunniit pingaaruteqartunik pissuteqarpat, pineqartup ilaasortaanissaanut ajornarnerulersitsippat, qinnuteqaat naliginnaasumik akuerineqassaaq.

Pissutsit atuuttut

Qinnuteqaat tunngavissaqarluarmat, qinnuteqaat akuerineqartariaqarpoq.

Malia Larsen Rosing-ip kommunalbestyrelsimi qinikkatut sulinngikkallarnerni, Inuit Ataqaatigiinniit sinniisussatut allattorsimaffik naapertorlugu, siullertut allassimasoq Agathe Fontain kommunalbestyrelsimi ilaasortanngussaaq.

Innersuussut

Allaffeqarfiup kommunalbestyrelsimut tullinnguuttut akuerisassanngorlugit innersuussutigai:

1. Kommunalbestyrelsimi Malia Larsen Rosing kommunalbestyrelsimi qinikkatut, juulip 31-aniit 2021 piffissami killiligaanngitsumi sulinngikkallarnissaa akuersissutigineqassasoq
2. Malia Larsen Rosing-ip kommunalbestyrelsimi qinikkatut sulinngikkallarnerni, Agathe Fontain kommunalbestyrelsimi ilaasortanngussasoq aggstip aallaqqaataaniit 2021

Borgmesterip aalajangiinera

Kommunalbestyrelsi sinnerlugu 23. juli 2021 borgmesteri aalajangiivoq,

-innersuussutigineqartoq akueralugu

Aalajangiineq pillugu kommunalbestyrelsi tullissaanik ataatsimiileruni paasissutissiissutigineqassaaq.

Innersuussut

Suliaq Kommunalbestyrelsimut paasissutissiissutigineqarpoq.

Aalajangiineq

Ilanngussaq

1. Malia Larsen Rosing-ip kommunalbestyrelsimi qinikkatut sulingikkallarnissamut qinnuteqaataa ulloqartoq 12. juli 2021
2. Inatsisartut inatsisaat nr. 27, 28. november 2016-imeersoq

Imm. 6.2 Borgmesterip aalajangiinera - Ataatsimiititaliamut ilaasortassanik nutaanik qinersineq

Journal nr. 01.01.03

Tunuliaqutaq

2020-mi 29. februar Malia Larsen Rosing-ip kommunalbestyrelsimit killiligaanngitsumik sulinnikkallarneranut atatillugu, suleqatigiit Siumut, Inuit Ataqatigiit Atassullu ataatsimiititaliamut il.il. ilaasortassanik sinniisussanillu kommunalbestyrelsimut akuerisassanngortitsilluni innersuussinissaanik qinnuigineqarpoq.

Maleruagassatigut tunngavissat

Kommunit aquneqarnerat pillugu Inatsisartut inatsisaanni nr. 29, 17. november 2017-meersumi § ”38-mi allassimavoq *Piffissap qinigaaffiup ingerlanerani ataatsimiititaliami taamaaqataaniluunniit ilaasorta q tunuarpat kommunalbestyrelsimilu suleqatigiinnit aalajangersimasunit qinerneqarsimappat inissaq inueruttoq suleqatigiinnit taakkunangga inuttalerneqassaaq.*”

Pissutsit atuuttut

Tullinguuttunut **ilaasortamik nutaanik** qinersisoqassaaq:

1. Atugarissaarnermut Ataatsimiititaliaq
2. Aalisarnermut Piniarnermut Nunaqarfiillu pillugit Ataatsimiititaliaq

Innersuussut

Kommunalbestyrelsimit akuersisassanngorlugu, Suleqatigiit Siumut, Inuit Ataqatigiit Partii Atassullu tullinguuttutigit toqqaanissamut innersuussinissaanik qinnuigineqarpoq,

Tullinguuttunut **ilaasortamik nutaanik** qinersisoqassaaq:

1. Atugarissaarnermut Ataatsimiititaliaq
2. Aalisarnermut Piniarnermut Nunaqarfiillu pillugit Ataatsimiititaliaq

Borgmesterip aalajangiinera

Kommunalbestyrelsi sinnerlugu 26. juli 2021 tusarniaareerluni borgmesteri aalajangiivoq,

-Malia Larsen Rosing-ip ilaasortaaffii Agathe Fontain-imiit ilaasortaaffigineqalissapput.

Kommunalbestyrelsi tullissaanik ataatsimiinnerani aalajangiineq pillugu paasisutissinneqassaaq.

Innersuussut

Suliaq Kommunalbestyrelsimut paasisutissiissutigineqarpoq.

Aalajangiineq

Ilanngussaq

1. Ataatsimiititaliat allattorsimaffia

Imm. 6.3 Ilisimatitsissut Qeqqata Kommuniani angallassissutit tamanit atorneqarsinnaasut

Journalnr. 23.06.00

Tunuliaqutaq

Suliamik saqqummiineq una allaffeqarfiup Qeqqata Kommuniani politikkerinut ukiuni aggersuni missingersuutitigut suliaqartarnermut atatillugu oqallisissiarivaa, ukiup tullianut sanaartugassatut kissaatit ataatsimiitalianiit tunniunneqareernerat pillugu.

Angallassissutit tamani atorneqarsinnaasut kalaalimineerniarfittut kommunimit aningaarsartuutigineqarput, kommunilli aningaasaqarneranut inuit biiliinik eqqussuinikkut akimmisitsisutullusooq illutik toqqaannangikkaluamik ajungitsumillu tapertaallutik, kommunillu aningaasartuutigisaanut angallassissutaasinnaasunut allanut annikillisaataasutut illutik.

Suliamut saqqummiussaq una ilisimasitsissutitut innersuussutituunngitsoq saqqummiunnerani, kommunip ingerlatsinikkut missingersuutitigut suliniutit pillugit aningaasatigut oqimaaqatigiisitsineq qulakkeersinnaangilaa, suliamik saqqummiussami kommunip taamatullu aamma innuttaasut sumiiffimmi aningaasaqarnikkut pingaartitaannut, nunaniillu allanit nioqutissanik eqqussuineranut atatillugu sammisat siammasissumik tunngaveqarput. Sammisag biilnik bussinillu ingerlatsineranut tunngaannangilaq, aammali kommunip aqquserngit pillugit ingerlatsineranut, aserfallatsaaliuineranut, eqqussuineramilu killilersuutitut missingersuutaanut kiisalu aningaasartuutit annikillisarnerlugit allaffissornikkut sulineranut attuumassuteqarluni.

Tamanna Qeqqata Kommuniani inoqarfinni angallassissutinik kikkunnit tamanit atorneqarsinnaasunik ataatsimut isiginninnermut tunngassuteqarpoq, soorlu ullutsinni Sisimiuni, Maniitsumi Kangerlussuarmilu busseqartoq tamanit ilaaffigineqarsinnaasut. Naak angallassissutit tamanit atorneqarsinnaasut periarfissaagaluartut, inuit biiliinik eqqussuinerat qaffariarsimavoq, taamaattumillu aamma kommunimi tamanut angallassissutinut ilaanissaq ornigineqarpallaarani.

Innuttaasut biilnik akisuunik nunanit allanit imaluunniit illoqarfigisami biilnik tuniniaasartumit pisinerminni biilit amerligaluttuinnarneri kisiartaallutik aningaasaqarnikkut ajortumik kinguneqartitsinngillat. Biilit amerligaluttuinnarnerisa mingutsitsineranut, aqquserngit ataatsimoorfiillu eqqaanni silaannaap pitsaassusaanut, aqqusermi angallattut amerlanerulernerannut, biilit unittarfiinik amerlanerik pisariaqartitsinerulerneranut kiisalu kommunimi aqquserngit pillugit aningaarsatuutit qaffannerisigut sunniisinnaavoq.

Ukiuni arlalinngortuni nunani allani angallannerujussuarmut mingutsitsinermullu aaqqiissuteqarniarneq ukkatarineqarpoq, tassani aqquserni mikisuni angisuunilu angallannermi siuleriaattoqartarunnaarnissaa qitiutillugu angallassissutinik tamanit atorneqarsinnaasunik, soorlu bussinik qimuttuitsullu assigiinngitsunik atortulersuutitigut pitsangorsaanikkut atoruminarsaaneq siullermik misiliutigineqarluni. Luxembourgimi illoqarfinni angisuuni atortulersuutitigut annertuunik sanaartorniarnermi isorartussuseq, aningaarsartuutit annertuner kiisalu pisariussuseq pillugit angallassissutit tamanit atorneqarsinnaasuni ilaaneq aatsaat massakkut akeqarunnaarsinneqarpoq. Suliniut nunami angallannerup annertusigaluttuinnarneranut mingutsitsinermullu, inuiaqatigiinnut akornutaaqisunut ingalassimaartitsissaaq.

Piffinnit allanit sanilliullugu Qeqqata Kommuniani illoqarfiit iluanni bussinik ingerlatsineq pitsaanagerusooq taamaallaat pisariaqartinneqarpoq, bussinik angallannerup ajornaquteqanngitsumik ingerlanissaa qulakkeerniarlugi minnerpaamik aqquserngit taamaallaat naleqqusarneqartarput. Allatut oqaatigalugu bussertartunut bussernissap orniginarnerulernissaa pitsaanerulernissaalu

pitinnagu bussinik allanik pisinissaq, bussit ingerlaarfiinik allanillu naleqqussaaniq aqquuserngit ingerlaarfiinik naannernik naleqqussaaneq eqqaassanngikkaanni atortulersuutit inissereernikuupput.

Maleruagassatut tunngavissat

Bussinik ingerlatsineq innuttaasunik kiffartuussinissamut inatsisitigut pisussaaffiunngilaq, taamaalillunilu kommunini nammineq qinigassaalluni.

Pissutsit atuutut

Sisimiuni bussinik ingerlatsinerup tiguneqarnera pillugu **sanaartortitsinermut ingerlatsinermullu aningaasaliineq kingulleq** pereerpoq, taamatullu aamma Kangerlussuarmi Maniitsumilu bussinut ingerlatsinermut sulii suliariumannittussarsiortoqarluni. Kangerlussuarmi Maniitsumilu bussinik ingerlatsinerup suliariumannittussarsiorneqarneranni entreprenørit isumaqatigiissuteqarnikkut Kommunimit tunniunneqartartut saniatigut ilaasut akiliutaat aamma tigusarpaat, Sisimiunilu ilaasunit akiliutigineqartut Qeqqata Kommunianit tiguneqartarlutik.

2020-p naalernerani Sisimiuni bussinut ingerlatsinerup tiguneqarnissaanut atatillugu politikikkut aalajangiisoqarpoq, tulliuttullu aalajangiiffigineqarlutik:

Ilassutitut katillugit 5.390.000 koruuninik **aningaasaliisoqassasoq**, sanaartornermut suliniutitut nutaatut ”Bussinik ingerlatsinermut pisinierneq”-mik taaguuserlugu.

56204800 Sis ingerlatsineq teknikkikkut, 0402025003 Bussit-nut ukiumut 1,5 mio. koruuninik missingersuutaareersut, kommunip bussinik ingerlatsineranik tigusineranit **atorneqaannassasut**, taamaalillutillu bussertitsisartunut amerlassusiliinermi tallimanut sulisunut aningaasartuutitut matussusiissutigineqarlutik. (Tamatuma malitsigisaanik akissarsiat qaffanneri pissutigalugit politikikkut ilassutitut aningaasaliissutinik 233.000 koruuninik piniartoqarsimavoq)

Billest akii **taamaaginnassasut**, sullitanit 2019-imit 1,2 mio. koruuninik isertitaqarfiusut, 56204800 Sis ingerlatsineq teknikkikkumi isertitanut atuiffimmik pilersitsisoqassasoq, taannalu bussinik ingerlatsinermut atorneqassalluni.

Bussinut inissiivinnut ilassutitut aningaasaliissutissatut annertunerusumik pisariaqartitsinissamut paasissutissiissut tusaatissatut **tiguneqassasoq**, suliariumannittussarsiuussisoqareerpallu immikkut suliarineqassalluni.

Suliamillu saqqumiinermi tassani bussinut inissiivissanut akissatut missiliuutit 9 mio. koruuniunissaa ilisimatitsissutigineqarluni, bussinut inissiisarfiit pisiortorfiup innersuussutai pissutsillu atuuttut allat malillugit pisariaqarput – Bussit ullaakkut nillertillugit aallartinneqarsinnaanngimmata. Taamaakkaluortoq ingerlatsinermut immikkoortorta qularnaveeqqusiinermut piffissaliussaq qaangiuppat, bussini akuutissiaq orsussamik taarserneqarnissaa aammalu motorinik programmilersuineq innersuussutigaat. Suliniutip taassuma kinguneraa, inissiivinnik kissalaartunik pisariaqartitsiunnaarneq, aammalu Sannaviup inissiivia bussinut nutaanut marlunnet qularnaveequsiinermut piffissaliussap iluani atorneqarsinnaasoq. Taamaalilluni Qeqqata Kommunianit inissiivissanut 9 mio. koruunit missaannik aningaasaliisinnaasumik ujarlertariaaruppoq.

Qeqqata Kommunianit bussinut ingerlatsinermut pissutsit **ukiumullu ingerlatsinermut** missingersuutit tulliuttut atuupput:

1. Maniitsumi bussinut ingerlatsineq suliariumannittussarsiuunneqarpoq, Maniitsumilu Teknikkeqarnermut immikkoortorta qarfimmiit aqunneqarluni. Massakkut Maniitsumi bussinik ingerlatsinermut 2.255.000 koruunit missingersuutigineqarput 563030800-0402025003-mi. Entreprenørip bussertartut akiliutaat nammineq pisarpai. Isumaqatigiissut 31.05.2023-mi qaangiutissaaq.

2. Kangerlussuarmi Sisimiunilu bussinut ingerlatsineq Sisimiuni Teknikkeqarnermut immikkoortortaqaafiup ataani ingerlatsinermut immikkoortortaqarfimmiit aqunneqarpoq. Kangerlussuarmi bussinut ingerlatsineq suliariumannittussarsiuunneqarpoq, Sisimiunili bussinut ingerlatsineq 2021-mi januaarip aallaqqaataani tiguneqarnikuulluni. Kangerlussuarmi Sisimiunilu bussinut ingerlatsineq ukiumut katillugu massakut 3.325.000 koruuninik missingersuuteqarpoq, Sisimiuni aningaasarsiat qaffannerisigut ilassutitut aningaasaliissutit kingulliit 233.000 koruunit 562040800-0402025003-mi ilanngullugit.
 - a. Kangerlussuarmi bussinut ingerlatsineq 2018-imi suliariumannittussarsiuunneqarpoq, 2023-milu oktobarip aallaqqaataanut killeqarpoq ukiumut 2.129.000 koruunit isumaqatigiissummut aningaasartaliunneqarlutik. Entreprenørrip bussertartut akiliutaat pisarpai.
 - b. Sisimiuni ukioq 2021-mi bussinut ingerlatsinermi missingersuutaasimasoq 1.500.000 koruuniugaluarpoq, bussertitsisulli akissarsiaasa qaffanneqarnerat pissutigalugu maajimi 2021-mi kommunalbestyrelsip aalajangiinerani ukiumut ilassutitut aningaasaliinermi 1.733.000 koruuninut qaffanneqarlutik. Ukiumut 1.733.000 koruuni missingersuutigineqartoq 562040800 – 1001075605 – 122010200 – 010580-imiippoq, bussertitsisunullu tallimanut aningaasartuutininut matussutissatut atorneqarput, Qeqqata Kommuniiani SIK-llu akornanni bussertitsisut akissarsiasaat pillugit nutaamik isumaqatigiissusiortoqarluni. Ammattaq billetsit akii ilaasartunit 2019-imit 1,2 mio. koruuninik isertitaqarfiusut bussinik ingerlatsinermut aningaasartuutininut allanut aserfallatsaaliinermullu isertitanut atuiffik 562040800 – 0402025003 – 121040100 – 010580 pilersinneqarpoq.

Ullutsinni Sisimiuni, Maniitsumi Kangerlussuarmilu bussertartut aningaasanik akiliillutik imaluunniit ukiut apeqqutaatillugit assigiinngitsunik ukiumut kortinik pisinikkut bussinut ilaasannaapput. Sisimiuniinnaq, bussertartoqarnerusumi isertitat killilerujussuusarput, 2019-imi qaffasissusaat malillugit 1,2 mio. koruunit missaaniillutik.

Taakku isertitat Sisimiuni bussertitsisunut aningaasartuutininut matussusiinnaangillat, bussinullu nalinginnaasumik ingerlatsinermut aserfallatsaanermullu kisiisa matussusiillutik. Sisimiuni bussinut ingerlatsineq taamaallaat tiguneqarnikuuvoq, bussertitsisullu akissarsiaat ukiumut immikkut 1.733.000 koruuninik ilaannakortumik missingersuuteqarlutik.

Allaffissornikkut nukippassuit ullormiit ullormut akiliinermi aningaasat qulakkeerniarnerannut ukiumullu kortit pilersinniarnerannut atorneqartarput, tamatumalu kingunerivaa kommunip allaffeqarfiata Sannaviullu bussinut ingerlatsineq pillugu maalaarutininik suliaqarnissaminut tigusinissaminnullu ulapippallaartarnerat, pissutsit massakut atuuttut allanngunnginnissaat anguniarlugu, allaffimmi sulisussanik atorfinitsitsinissaq pisariaqarpoq. Allaffeqarfimmi sulisut ulluinnarni teknikkikkut avatangiisinullu tunngasunik allanillu suliaqarnerminni bussinut ingerlatsinerup aqunneqarnera pisarnertut ingerlassinnaangilaat. Allannortoqarnissaa pinaveersaarniarlugu, allaffeqarfik allaffimmi suliassanik annertusigaluttuinnartunik isumaginnittussanik sulisunik atorfinitsitsinissaminut ilassutitut aningaasaliissutinik qinnuteqartariaqarpoq.

Tamatuma saniatigut Naatsorsueqqissaartarfimmit ilanngussaq 1-imi naatsorsuinerit takutippaat, 2007-imiit 2021-mut nuna tamakkerlugu inuit biiliisa nalunaarsorneqarnikut amerlassusaat 5.832-ningorlutik marloriaatinngungajassimasut. Ukiuni makkunani nunatsinni inuit biiliisa amerlassusilerneqarneranni 15 procentii Qeqqata Kommuniata iluaniippat, piffissallu taassuma iluani Sisimiuni Maniitsumilu 519-ininngaanniit 896-inut amerleriarsimallutik. Tamatuma saniatigut aamma piffissami tassani nuna tamakkerlugu ATV-t 65-imiit 504-mut amerleriapiloorsimallutik, amerlanerillu Sisimiuniinnissaat ilimagineqarluni.

Naatsorsueqqissaartarfik aamma aningaasaqarneq eqqarsaatigalugu inuit biiliinik eqqussuineq pillugu naatsorsuusiornikuvoq, 2007-imilu inuit biili 47 mio. koruuninik nalillit nunatsinnut eqqunneqarsimapput, kingornalu 2020-mi 75 mio. koruuninut qaffariangaatsiarsimallutik. **Qulaani pineqartut malillugit inuit biiliisa 15%-ii Qeqqata Kommunianut eqqunneqarsimanissai naatsorsorutsigit, ukiumi 2020-mi kisimi kommunip innuttaasui suliffeqarfille biilinik 11,5 mio. koruunit nalilinnik eqqussisimassapput.**

Maniitsumi Sisimiunilu, kommunip iluani angallaffiunerpaani, ukiumut missiliuteqarfiusumut 2019-imut **aqquserngit pillugit aqutsinermut asfaltiterinermullu tulliuuttunik missingersuuteqartoqarpoq:**

Sumiiffik	Immikkoortortaarfik	taagutaa	Ukiumoortumik missingersuutit	Ukioq missing.
Sisimiut	402025007	Asfaltiorneq	1.410.000	2019
Sisimiut	902030000	Aqqusernit, Ikaartarfiit, Majuarterfiit	1.610.000	2019
Maniitsoq	902030000	Aqquserngit, ikaartarfiit, majuarterfiit	2.239.000	2019
Sisimiut	500132	Asfalterineq	2.500.000	2019
Sisimiut	500131	Asfalterineq	1.500.000	2019
Katillugit			9.259.000	

Ukiumut akigitit 9,3 mio koruunit piffissap ingerlanerani annertusigaluttuinnartussaavoq, taamatullu aamma kommunip iluani biilit amerliartorneranni illoqarfinni biilinut unittarfiit ikippallaalissapput, piffissallu ingerlanerani Sisimiuni ingammik angallanerit ulapaarfiusut takussaaleralluttuinnassallutik.

Sisimiuni Maniitsumilu tamat angallannerat ima allannguuteqartariaqarpoq:

1. Aqquserngit pillugit ingerlatsineri aserfallatsaaliinermullu missingersuutigineqartut 9,3 mio. koruunit, biilit allalluunniit angallassissutit amerliartorneranni annertusiartussanngillat.
2. Kommunimi innuttaasut biilinik eqqussuineq ukiumut 11 mio. koruuninut killeqarsimaartissavaat, taakkua sumiiffimmi atorneqarsinnaammata kaaviaartinneqarlutillu.
3. Tamat angallannerat pillugu allaffissornerup killilersimaarneqarnissaa, allaffissornerup kisimi tamat angallannerat pillugu pitsaaneruseqarnissaa, allaffissornerup aningaasaqarnermullu sunniutaa annikilluni.

Atuilluartuunissakkut kingunerisinnaasai

Kommuunip innuttaasunut tamanut angallassinissamik neqeroorutaata atuilluartuunissa qulakkeerneqassasoq. Peqqissutsip tungaaniit innuttaasut bussinik atuinerat aporfittut isigineqarsinaavoq, peqqinnissaqarfimmi oqartussat innuttaasut timersortarnissaat innersuussutigimmassuk. Tamanna aamma innuttaasut biilinik atuinernut annertusiartortumut aamma atuuppoq. Peqqissutsip tungaaniit bussit ingerlaarfiinik allannguinerimik aaqqiissuteqartoqarsinnaavoq, taamaalillutik ilaasunit pinngortitami sukisaarsaartarfittut periarfissaasinnaasut sukkaneruseqarnissaa ajornannginneruseqarnissaa orinneqarsinnaaniassammata, soorlu qaqqasiernerit ilaatigut nuannarineqartorujussuupput.

Innuttaasunut kommunimilu tamanut angallassineq pitsaasoq ajornannginnerusorlu anguniaraanni, angallassineq tamanut piiminartuusariaqarpoq ajornaatsuullunilu.

Innuttaasut akileeqqaaratik imaluunniit billetseqaqaaratik bussinut ikisinnaagaluarpata piffimmiillu piffimmut sukkanerusumik apuussinnaagaanni, amerlasuut biilnut aningaasaliisarunnaarnissaat nalilerneqarpoq. Taamatullu aamma sulisorpassuit, atuartorpassuit allallu angallanneq piffissaajaatigiunnaarlugu piffissaq eqqorlugu aggertalissagaluarlutik.

Tamatuma saniatigit illoqarfimmi sukisaarsaartarfiit innuttaasunit ullut tamaasa orneriaannaaneri aamma qulakkerneqassalluni.

Aningaasaqarnikkut allaffissornikkullu kingunerisinnaasai

Bussinik ingerlatsinerup qanoq pitsaanerulernissaa, aammalu kommunimi tamanut angallassinerup akeqarunnaarsinneqarnissaa aningaasaqarnikkut allaffissornikkullu kingunerisinnaasaatigit annertuumik sunniuteqarsinnaanera.

Tamanut angallassineq akeqarunnaaraluarpat bussinut ingerlatsinikkut allaffissorneq assut oqilisaanneqassagaluarpoq, taamaakkaluartorli soorlu atuisunut akigititanik naleqqussaaneq allangortinneqarnani.

Bussit taama amerlassuseqartillugit angallassineq akeqarunnaarsinneqaraluarpat, Kangerlussuarmi Maniitsumilu entreprenørit isertitaminnik ilaasut akiliutaannik annaasaminnik taarsiissuteqarfigineqassapput. Sisimiuni kisitsisit aallaavigalugit akit annertussusaat 700.000 koruunimut naatsorsorneqarpoq, Sisimiunili ukiumut 1,2 mio. koruunit pisariaqartinneqassallutik.

Allatut oqaatigalugu kommunimi tamanut angallassineq akeqarunnaarsinneqaraluarpat, ingerlatsinermut missingersuutinut kommuni tamakkerlugu 1,7 mio. koruunit ilassutitut aningaasaliissutigineqarnissaat naatsorsuutigineqassaaq.

Taamaakkaluartuq bussit amerlassusaat pissutaalluni, ingammik Sisimiuni, bussinik angallanneq pitsaasoq suli qulakkerneqarsinnaanngikkallarpoq. Tamanna isumaqarpoq innuttaasunut bussit orniginarsarnerunissaat, taamaalilluni biilnik pisinissaq pinaveersarneqarniassamat. Sisimiuni, Kangerlussuarmi Maniitsumilu bussit amerlassusaat marloriaatinngussappata bussillu ingerlaartarfii allangorlugit, bussini sulisunik, bussinik, bussit unittarfiinik amerlanerusunik aammalu aqqusinernik naleqqusnaanissat pisariaqartinneqarput. Tamakku tamaasa politikkikkut naatsorsuutinik erseqqissaanikkut politikkikkut kissaateqartoqareernerata kingorna naatsorsorneqarluarumarput.

Suliniut taxartitsisunut ajunngitsumik ajortumillu aamma kinguneqarsinnaavoq, tamannali aallaqqaataaniilli oqaatigiuminaappoq. Bussertartut amerlineranni taxartartut ikilisinnaanissaat ilimagineqarsinnaavoq. Taamaakkaluartorli aamma amerlanerit biilerpallaarunnaarnissaat naatsorsuutigineqarsinnaalluni, taamatullu innuttaasut bussinit taxanillu ingerlanneqarnissamik taamaallaat periarfissallit amerlissallutik, taxanillu atuisut amerlinissaat aamma ilimanaateqarluni.

Allaffeqarfiup naliliinera

Matumuuna tamanut angallassineq, aqqusinernik aserfallatsaaliineq, allaffissornikkut suliasat kiisalu sumiiffimmi aningaasaqarnikkut iluanaarutit kingunerluutissallu pillugit eqquusuinermut killeqartitsinissamat suliniutit tamakkiisumik takunnilersitsisinnaasut pillugit paasissutissat tigussaasut suliamillu naatsorsuutigisat inissinneqarput.

Allaffeqarfik naliliivoq, bussinut billetsit akiisa apparneqarneri qaffanneqarneriluunniit bussertartut amerlassusaannut, biilnik eqquusuinermut kiisalu aqquserngit aserfallatsaaliineqarnissaannut biilnullu unittarfiinnik pisariaqartitsinermut atatillugit kommunip aningaasartuutaanut annikitsuinnarmik sunniuteqassapput. Billetsit akii taamaatiinnarneqaraluarpata, akikillippata

akitsoraluarpataluunniit bussernissaq innuttaasunut sulii pisariussaaq. Taamaattoqartillugu innuttaasut kaasarfimminni aningaasateqarnissartik imaluunniit buskortimik pisinissartik nassarnissartilluunniit sulii eqqaamasassavaat. Taamaattumillu aamma ilaasunut ataasiakkaanut piffimmiit piffimmukarniartarneq sivisunerussappat, bussernissaq orniginarunnaassaaq.

Inuit biiliinik eqqussuinerujussuat unikaallatsinneqassappat, suliniut pillugu kommuunip unammillertai sumiiffimmilu aningaasaqarnerup siuarsaneqarnissaannut innuttaasut peqataanissaanut siuarsaanissat aallaavigalugit politikikkut eqqarsaatersortoqartariaqarpoq.

Allaffeqarfimmiit angallannermut pilersaarut politikikkut siornatigut aalajangiiffiqarsimasooq massakkut suliarineqarpoq. Bussinullu ingerlatsineq angallannermut pilersaarusiarnut inissinneqarnissaa pilersaarutaanngilaq, allaffeqarfimmiit taamaallaat suliarineqarsinnaammat. Taamaallit angallannermut aningaasaliisutit attuumassutilinnut allanut atorneqarsinnaassapput.

Allaffeqarfiup innersuussutaa

Allaffeqarfiup Teknikkimut ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigivaa:

-Allaffeqarfiup siunissami bussinut ingerlatsinermi politikikkullu naatsorsuutit pillugit ilisimasaaqarlualernissamat iliuusissat, allaffeqarfiup bussinik ingerlatsinermi allannguutinik suliaqaannarnissaat pillugit politikikkut ukkatarinninnissamat pisariaqartsitsineq pillugu ilisimasitsissutaa tusaatissatut tiguneqassasooq

Teknikkeqarnermut ataatsimiititaliap suliamik suliarinninnera

Ataatsimiititaliap 28. juli 2021 ataatsimiinnerani paasissutissiisut tusaatissatut tiguneqarpoq.

Aningaasaqarnermut ataatsimiititaliap suliamik suliarinninnera

Ataatsimiititaliap 10. August 2021 ataatsimiinnermini ilisimatitsissut tusaatissatut tiguaa.

Innersuussut

Aningaasaqarnermut ataatsimiititaliap Kommunalbestyrelsimullu innersuussutigivaa,

-ilisimatitsissut tusaatissatut tiguneqassasooq

Aalajangiineq

Ilanngussat

1. Naatsorsueqqissaartarfimmiit paasissutissat naatsorsuutillu

Imm. 7.1 Siulittaasut nalunaarutai

Imm. 8.1 Tamalaat